



Broj:
Sarajevo, __. __. 2019. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 - prečišćeni tekst), Gradsko vijeće Grada Sarajeva, na 24. sjednici održanoj 20.02.2019. godine, usvojilo je

Izvještaj o aktivnostima Grada Sarajeva u oblasti međunarodne saradnje u 2018. godini.

PREDSJEDAVAJUĆI GRADSKOG VIJEĆA

Igor dr. Gavrić

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

***Izveštaj o aktivnostima Grada Sarajeva
u oblasti međunarodne saradnje u 2018. godini***

***Predlagač: Gradonačelnik
Obrađivač: Gradska služba za lokalnu
samoupravu i razvoj grada***

Sarajevo, februar 2019. godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; **Fax:** +387 33 208 341
e-mail: grad@sarajevo.ba; **web:** www.sarajevo.ba



EYOF 2019
Sarajevo & East Sarajevo

SADRŽAJ

- I. Uvod*
- II. Međunarodna saradnja na nivou gradova*
- III. Međunarodni skupovi*
- IV. Saradnja s diplomatsko-konzularnim predstavništvima*
- V. Aktivnosti Grada Sarajeva u okviru međunarodnih asocijacija*
- VI. Ostale aktivnosti na planu međunarodne saradnje*

I. Uvod

Programom rada Gradskog vijeća Grada Sarajeva za 2018. godinu, broj: 01-GV-02-2003/17 od 20.12.2017. godine, oblast Saradnja i udruživanje, predviđen je *Izvještaj o aktivnostima Grada Sarajeva u oblasti međunarodne saradnje u 2018. godini*.

U izvještajnom periodu međunarodna saradnja Grada Sarajeva realizirala se u skladu s:

- *Politikom Grada Sarajeva za mandatni period 2016.-2020.*, broj: 01-GV-02-2002/17, od 20.12.2017. godine,
- *Programom međunarodne saradnje Grada Sarajeva*, broj: 01-GV-02-286/18, od 28.02.2018. godine, te
- *Budžetom Grada Sarajeva za 2018. godinu* (Sl. novine Kantona Sarajevo, broj 1/18).

Međunarodna saradnja jedan je od važnijih faktora razvoja Grada Sarajeva. Tome u prilog govori broj ostvarenih međunarodnih susreta na bilateralnom i multilateralnom nivou čime je Grad Sarajevo doprinio afirmaciji glavnog grada Bosne i Hercegovine kao političkog, administrativnog, privrednog, obrazovnog, kulturnog, sportskog i turističkog centra regije.

Fokusirajući se na razvojnu komponentu grada, u izvještajnom periodu međunarodna saradnja Grada Sarajeva bila je značajno intenzivirana i usmjerena održavanju i unaprjeđenju postojeće saradnje s gradovima, asocijacijama ili institucijama, te uspostavljanju saradnje s novim inostranim partnerima.

Europski trend regionalizacije i decentralizacije nameće ozbiljan pristup i posebno uvažavanje značaja diplomacije gradova, kao svojevrsne efikasne forme međunarodnih odnosa čiji je nosilac grad. Gradovi putem svojih višestrukih odnosa doprinose rješavanju zajedničkih problema, stvarajući tako trajne strukture, odnosno internacionalni dijalog, ne samo u okviru regije, nego i šire.

II. Međunarodna saradnja na nivou gradova

Prijem delegacije pobratimskog Grada Tijandina (NR Kina), Sarajevo, 22.01.2018.

Gradonačelnik Sarajeva Abdulah Skaka primio je 22.01.2018. delegaciju pobratimskog Grada Tijandina, koju je predvodio zamjenik gradonačelnika Zhao Haishan. Sastanku je prisustvovala i ambasadorica NR Kine u BiH Chen Bo.

Gradonačelnik Sarajeva dao je osvrt na 30 godina duge pobratimske veze između Sarajeva i Tijandina, istakao je veoma dobru saradnju Grada Sarajeva s Ambasadom NR Kine u BiH, te prijateljstvo između država i gradova. Kazao je da se posljednjih godina saradnja ostvaruje u različitim oblastima, posebno u nauci, obrazovanju i razvoju modernih tehnologija.

Dan Grada Dubrovnika, Dubrovnik (R Hrvatska), 02.-03.02.2018.

Na poziv gradonačelnika Dubrovnika Mate Frankovića, obilježavanju Dana grada Dubrovnika, 02. do 03.02.2018., prisustvovali su predsjedavajući Gradskog vijeća Igor Gavrić, zamjenica predsjedavajućeg Edina Gabela i gradska vijećnica Snežana Omukić.

U okviru zvaničnog programa posjete, delegacija je prisustvovala protokolarnim događajima, među kojima i Svečanoj sjednici Gradskog vijeća Grada Dubrovnika, na kojoj su, između ostalog, dodijeljena godišnja javna priznanja, odnosno nagrade Grada Dubrovnika.

Posjeta Gradu Muscatu (Sultanat Oman), 05.-07.02.2018.

Na poziv gradonačelnika Muscata Mohsina Mohameda Al-Shaikha, gradonačelnik Abdulah Skaka boravio je u posjeti glavnom gradu Sultanata Oman.

Gradonačelnik Skaka je naglasio da je Grad Sarajevo ovom posjetom otvorio vrata bh. privrednicima za saradnju s Omanom gdje postoji veliki interes za našu državu. Domaćini su pokazali zanimanje za projekte u različitim oblastima s fokusom na turizam, obrazovanje i investicije. Održan je i sastanak s generalnim direktorom Državnog fonda za rezerve, agencije za ulaganja i razvoj Abdul Salamom Al- Murshidijem.

U pratnji gradonačelnika bili su Ensar Eminović, savjetnik gradonačelnika za međunarodnu saradnju i EU integracije, Erna Čolić, šefica kabineta gradonačelnika, Azra Kurtagić Smajić, angažirana po ugovoru o djelu, te Dino Selimović iz BBI Business VIP Club i Aida Terzić, iz Relax Tours, angažirani po ugovoru o djelu.

Sporazum o bratimljenju između Dohe i Sarajeva, Doha (Država Katar), 18.-21.02.2018.

Delegacija Grada Sarajeva koju su činili gradonačelnik Sarajeva Abdulah Skaka, zamjenik gradonačelnika Ivica Šarić, predsjedavajući Gradskog vijeća Grada Sarajeva Igor Gavrić, i savjetnik gradonačelnika za međunarodnu saradnju i EU integracije Ensar Eminović, boravili su u Dohi od 18. do 21.02.2018. godine.

Gradonačelnici Sarajeva i Dohe, Abdulah Skaka i Jamal Matar Al Naimi, potpisali su 19.02.2018. *Sporazum o bratimljenju između Grada Sarajeva i Grada Dohe.*

Sporazumom je uspostavljen okvir za unaprijeđenje odnosa i proširenje saradnje u različitim oblastima od ekonomije i razvoja, do kulturne i sportske razmjene aktera iz ove dvije prijestolnice.

Posjeta Gradu Zagrebu (R Hrvatska), 07.03.2018.

Delegacija Grada Sarajeva koju su činili gradonačelnik Abdulaha Skaka, zamjenik gradonačelnika Ivica Šarić, predsjedavajući Gradskog vijeća Igor Gavrić, raniji gradonačelnik Sarajeva Ivo Komšić, savjetnik gradonačelnika za međunarodnu saradnju i EU integracije Ensar Eminović, i šefica Kabineta gradonačelnika Erna Čolić, posjetila je Grad Zagreb, 07.03.2018..

Bila je to prva zvanična posjeta gradonačelnika Abdulaha Skake Gradu Zagrebu, tokom koje je delegacija imala priliku razgovarati s gradonačelnikom Zagreba Milanom Bandićem i njegovim saradnicima, o nastavku i jačanju saradnje dva grada, koja su potpisala Sporazum o saradnji 2000. godine.

Gradonačelnik Skaka posebno je zahvalio gradonačelniku i Gradu Zagrebu na obezbijeđenom besplatnom ljetovanju djece, stipendista Fonda IKRE, u Novom Vinodolskom.

Prijem delegacije Konye (R Turska), Vijećnica, 22.03.2018.

Gradonačelnik Sarajeva primio je 22.03.2018. delegaciju pobratimskog grada Konya koju su činili Ercan Uslu, Generalni direktor Uprave za vodovod i kanalizaciju Konye i Počasni konzul BiH Selim Yücel Güleç, šef Odjela za međunarodnu saradnju, kao i lokalni novinari iz Konye.

Delegacija je boravila u Sarajevu povodom potpisivanja primopredaje doniranih tramvaja GRAS-u, a tokom prijema u Vijećnici je bilo govora o saradnji dva grada, kao i mogućnosti organiziranja manifestacije „Dani Sarajeva“ u Konyi.

Obilježavanje 6. aprila - Dana grada Sarajeva 2018.

Obilježavanju ovogodišnjeg 6. aprila - Dana grada Sarajeva prisustvovala su delegacije iz 16 inostranih pobratimskih i partnerskih gradova: Ankara, Beč, Budimpešta, Collegno, Doha, Dubrovnik (Grad Dubrovnik, Dubrovačko neretvanska županija, Bošnjačka nacionalna zajednica DNŽ), Innsbruck, Istanbul, Ljubljana, Magdeburg, Moskva, Novi Pazar, Prato, Pula, Skoplje i Zagreb.

Delegacije su u skladu s programom sudjelovale u svečanom puštanju u rad obnovljene Sarajevske žičare, „Kafi s gradonačelnikom“, otvaranju izložbi „Uspomene i Prvo Sarajevsko bijenale - grafičko proljeće“, te svečanoj sjednici Gradskog vijeća Grada Sarajeva.

Bilateralni sastanci su održani 6. aprila s delegacijama Beča, Ankare, Moskve CAO, Dubrovnika, Skoplja, Budimpešte, Collegna, te Županijske skupštine Dubrovačko-neretvanske županije.

Prijem delegacije Grada Beča: Gradonačelnik Sarajeva Abdulah Skaka primio je delegaciju Grada Beča predvođenu gradonačelnikom Michaelom Häuplom. Gradonačelnik Häupl je istakao vidljive promjene i veliki napredak u obnovi grada u odnosu na njegovu prethodnu posjetu Sarajevu.

Govorio je o građanima BiH koji žive i rade u Beču i Republici Austriji uopće, i o njihovoj integraciji u austrijsko društvo.

Izraženo je obostrano zadovoljstvo što će Grad Sarajevo od 02. do 04.07.2018. biti domaćin treće po redu manifestacije „Dani Beča u Sarajevu“.

Prijem delegacije Grada Ankare: Gradonačelnik Ankare Mustafa Tuna zahvalio je na gostoprimstvu i čestitao gradonačelniku Sarajeva na uspješnom otvaranju značajnog infrastrukturnog projekta Sarajevske žičare. Razgovarano je o saradnji dva pobratimska grada i zajedničkim projektima.

Gradonačelnik Ankare ponudio je da Ankara bude partner u projektu Park prirode - Bentbaša, dok je gradonačelnik Sarajeva ponudio da u znak dugih pobratimskih odnosa i dosadašnje uspješne saradnje Grad Sarajevo pokloni Sebilj česmu gradu Ankari. Osim toga, predložio je da Grad Sarajevo uz podršku Grada Ankare održi kulturnu manifestaciju "Dani Sarajeva" u Ankari, što je gradonačelnik Ankare prihvatio.

Prijem delegacije Centralnog administrativnog okruga Moskva: Sastanku s delegacijom CAO Moskva koju su činile zamjenica prefekta Larisa Tiunova, šefica poddistrikta Moskve Zamoskvorechie Natalia Romanova i savjetnica za međunarodne odnose Milana Bogaerts, prisustvovali su i predstavnici Ambasade Ruske Federacije u BiH: zamjenik ambasadora Petr Frolov, Drugi sekretar Anton Sokolov i Treći sekretar Ana Ivljeva.

Tokom sastanka potvrđeno je održavanje koncerta Schnittke orkestra iz Moskve u Vijećnici 9. maja 2018. Izražen je interes od strane CAO Moskva za razmjenu vaterpolista dva grada.

Prijem delegacije Grada Dubrovnika: Na sastanku s delegacijom Grada Dubrovnika koju su činili zamjenica gradonačelnika Jelka Tepšić, pročelnica Upravnog odjela za Europske fondove, regionalnu i međunarodnu saradnju Zrinka Raguž, i zamjenik pročelnice Upravnog odjela kulture Tonči Daničić, razgovarano je o nastavku saradnje, naročito na polju kulture i turizma.

Gradonačelnik Skaka je predložio uvezivanje dva grada u zajedničku turističku turu, a zamjenica gradonačelnika Tepšić predložila je i uključivanje kompanije Turkish Airlines u projekat. Zamjenica gradonačelnika Dubrovnika predložila je obnavljanje saradnje između Narodnog pozorišta Sarajevo i Kazališta Marin Držić.

Prijem delegacije Grada Skoplja: Na sastanku s delegacijom pobratimskog Grada Skoplja koju su činili gradonačelnik Petre Shilegov, gradski vijećnici Enver Maliqi i Besim Limani, te članovi kabineta gradonačelnika Marija Antova i Marko Todorov, razgovarano je o tradicionalnom prijateljstvu dva grada i želji da se ojačaju postojeće veze.

Razmijenjene su informacije o aktivnostima gradskih uprava, razvoju turizma, potrebi uspostavljanja avionske linije koja će omogućiti bržu i efikasniju komunikaciju i saradnju, te lokaciji za postavljanje poklona grada Sarajeva - Sebilj česme u Skoplju.

Gradonačelnik Sarajeva je pozdravio projekat Grada Skoplja kojim se porodicama koje dobiju prinovu, omogućava sadnja drveta. Projekat je višestrukog simboličnog značaja kako u ekološkom smislu, tako i u cilju povezivanja ljudi.

Gradonačelnik Skoplja je zamolio da Grad Sarajevo razmotri mogućnost ustupanja prostora za potrebe Udruge građana porijeklom iz Republike Makedonije.

Prijem delegacije Grada Budimpešte: Na sastanku sa zamjenikom gradonačelnika Budimpešte Balázsom Szeneczeyem razgovarano je o potrebi jačanja bilateralne saradnje Budimpešte i Sarajeva, u različitim oblastima. Predloženo je da Budimpeštanska filharmonija nastupi u Vijećnici u prvoj sednici septembra 2018. godine.

Prijem delegacije Grada Collegna: Na sastanku s delegacijom Grada Collegna koju su činili gradonačelnik Francesco Casciano i predstavnici Fondacije „Graditelji mira“ Lucetta Palitto, te Michele Mellace, razgovarano je o 20. godišnjici pobratimskih odnosa između Sarajeva i

Collegna. S tim u vezi, gradonačelnici Skaka i Casciano svečano su potpisali dokument kojim se potvrđuje zajednička volja za obnavljanjem privredne, društvene, kulturne i sportske razmjene, te za promicanjem univerzalnih vrijednosti mira i saradnje među narodima.

Prijem predsjednice Županijske skupštine Dubrovačko-neretvanske županije: Prilikom susreta s predsjednicom Županijske skupštine Dubrovačko-neretvanske županije Vilmom Kosović, razgovarano je o budućoj saradnji između Grada Sarajeva i Dubrovačko-neretvanske županije na područjima privrede, turizma, kulture i sporta.

Dan grada Novog Pazara i 557. godišnjice postojanja, Novi Pazar (R Srbija), 20.04.2018.

Na poziv gradonačelnika Novog Pazara, delegacija Grada Sarajeva koju su činile zamjenice predsjedavajućeg Gradskog vijeća Edina Gabela i Mira Jurić, pomoćnica gradonačelnika za obrazovanje, kulturu, sport i mlade Amina Deljković, i stručna savjetnica za pripremu projekata iz oblasti privrede Zinaida Čengić, prisustvovala je obilježavanju 20. aprila – Dana grada Novog Pazara i 557. godišnjici njegovog postojanja.

Posjeta Gradu Istanbulu (R Turska), 02.-06.05.2018.

Na poziv direktora Odsjeka za kulturu Grada Istanbula, delegacija Grada u sastavu: pomoćnica gradonačelnika za obrazovanje, kulturu, sport i mlade Amina Deljković, viši referent – tehnički sekretar Sanela Očko, te Azra Kurtagić, angažirana po ugovoru o djelu, boravile su u Istanbulu od 02. do 06.05.2018.

Delegacija se sastala s istanbulskim partnerima s kojima je razmotrila detalje održavanja kulturne manifestacije "Dani Sarajeva" u Istanbulu. Slijedom toga, održan je sastanak s direktoricom muzeja Topkapi, s kojom je razgovarano o mogućoj izložbi umjetnika Irfana Hoze, te s direktorom Odsjeka za kulturu Grada Istanbula, Ridvanom Duranom s kojim su razmatrani načini podrške Grada Istanbula Gradu Sarajevu, u vezi organizacije manifestacije "Dani Sarajeva" u Istanbulu.

Nakon sastanaka, predstavnice Grada Sarajeva obišle su sve predložene lokacije za događaje koji su planirani u okviru manifestacije.

Dan oslobođenja i Dan grada Pule (R Hrvatska), 04.-06.05.2018.

Obilježavanju 5. maja - Dana grada Pule i 73. godišnjici oslobođenja grada Pule, te Svečanoj sjednici Gradskog vijeća Grada Pule, koja je tim povodom održana u Istarskom narodnom kazalištu, prisustvovala su zamjenice predsjedavajućeg Gradskog vijeća Grada Sarajeva Edina Gabela i Mira Jurić, te gradski vijećnik Nihad Uk.

Posjeta Prefekturi CAO Moskva (Ruska Federacija), 07.-10.05.2018.

Na poziv prefekta Centralnog administrativnog okruga Grada Moskve Vladimira Goverdovskog, delegacija Grada Sarajeva u sastavu: gradonačelnik Sarajeva Abdulah Skaka, pomoćnik gradonačelnika za urbano planiranje, investicijske, stambene i komunalne poslove Nedim Tvrtković, pravobranilac Grada Sarajeva Sanjin Smajlović, te viši referent za poslove protokola Denis Kovačević, boravila je u Moskvi od 07. do 10.05.2018.

Povod posjete bilo je razvijanje prijateljskih odnosa s Moskvom i prisustvovanje Svečanoj paradi povodom 9. maja - Dana pobjede nad fašizmom.

Delegacija se na oficijelnom prijemu u gradskoj Vijećnici Moskve, susrela s ministrom u Vladi Moskve, Sergejom Chereminom, prefektom Centralnog administrativnog okruga Grada Moskve, Vladimirom Goverdovskym, zamjenicima prefekta, Sergeyjem Travkinom i Larisom Tiunovom, šefom Odjela za upravu, Dimitrijem Semenovom, te savjetnicom za međunarodne odnose, Milanom Bogarts.

Na sastanku je dogovoreno da će Grad Moskva uputiti poziv za učešće predstavnika Grada Sarajeva na Forumu urbanizma koji će se održati u Moskvi, u drugoj polovini 2018., te da će Grad Sarajevo dostaviti projektnu dokumentaciju Sebilja, koji bi trebao biti postavljen u nekom od parkova Moskve, kao poklon građana Sarajeva građanima Moskve i kao simbol prijateljstva dva grada.

Delegacija je posjetila Sabornu džamiju u Moskvi, gdje je na sastanku s predstavnicima Islamske zajednice Rusije zaključeno da će Grad Sarajevo posredovati u uspostavljanju bolje saradnje između islamskih zajednica BiH i Rusije. Tom prilikom pripremljeno je i pozivno pismo za poglavara Islamske zajednice u BiH, koje je gradonačelnik Abdulah Skaka preuzeo i po povratku dostavio reisu-l-ulemi ef. Kavazoviću.

Koncert Moskovskog kamernog orkestra Schnittke, Vijećnica, 09.05.2018.

Kao rezultat potpisanog *Protokola o saradnji između Grada Sarajeva i Centralnog administrativnog okruga Grada Moskva*, u Vijećnici je povodom 9. maja - Dana pobjede nad fašizmom, Dana Europe, te godišnjice otvaranja obnovljene Vijećnice, održan koncert *Moskovskog kamernog orkestra Schnittke* pod palicom umjetničkog direktora i dirigenta - Počasnog umjetnika Rusije, profesora Igora Gromova.

Tim povodom, zamjenici gradonačelnika Ivica Šarić i Milan Trivić, upriličili su u Vijećnici prijem članova Moskovskog orkestra Schnittke u čijoj pratnji su bili dirigent Igor Gromov, rektorica Shnitke Instituta Anna Shcherbakova, te predstavnik Odjela za kulturu Grada Moskva Aleksandr Nikulin.

Sastanak s predstavnicima Grada Tijandina (NR Kina), 12.06.2018.

Slijedom dogovora između gradonačelnika Sarajeva i zamjenika gradonačelnika Tijandina, na sastanku održanom u Sarajevu 22.01.2018., delegacija Odbora za gradsko uređenje i održavanje vrtova Tijandina posjetila je Grad Sarajevo kako bi dogovorila detalje o razmjeni poklona - simbola dva grada: replike bačaršijskog sebilja Tijandinu i Paviljona prijateljstva Sarajevu. Cilj ove razmjene je jačanje tradicionalnog prijateljstva između BiH i NR Kine, te pobratimskih gradova, Sarajeva i Tijandina.

Kineska delegacija je predstavila potencijalne lokacije za instalaciju sebilja u Tijandinu, a razgovarano je i o tehničkim detaljima transporta i postavke sebilja. Obaveza Grada Tijandina je da napravi postament s instalacijama za vodu i struju, a Grad Sarajevo će transportovati sebilj u dijelovima (drvena i krovna konstrukcija), te dati instrukcije o montaži. Razmotrit će se mogućnost slanja osobe koja će pomoći pri instalaciji.

Tokom razgovora o *Paviljonu prijateljstva* - poklonu Tijandina Sarajevu, Grad Tijandin i Ambasada NR Kine izrazili su želju da paviljon bude postavljen u gradskoj jezgri.

Dogovoreno je da će Grad Sarajevo, sa četiri gradske općine, razmotriti najbolja rješenja za postavku, te poslati prijedloge lokacija Tijandinu. Nakon usaglašavanja lokacija, realizirat će se postavljanje sebilja, odnosno paviljona.

Otvorenje instalacije Think Freedom, Zagreb (R Hrvatska), 19.06.2018

Na poziv gradonačelnika Zagreba Milana Bandića, zamjenik gradonačelnika Sarajeva, Ivica Šarić prisustvovao je otvorenju umjetničke instalacije Think Freedom (Misli Sloboda), umjetnice Edine Selesković, u Galeriji Klovićevi dvori 19.06.2018..

Misli Sloboda je sveobuhvatni pristup projektu public art-a koji šalje poruku mira i pomirenja iz srca Sarajeva i BiH ka regionu, cijeloj Europi, Americi i svijetu. Ovaj projekat objedinjuje skulpturu, instalaciju, performans, svjetlo, zvuk, film, pisanu riječ, ali i nove globalne komunikacijske tehnologije, kako bi spojio mlade generacije s univerzalnom snagom savremene umjetnosti.

Zamjenik gradonačelnika Ivica Šarić istakao je da je Sarajevo grad slobode, mira i ljubavi, te da je ponosan što kroz savremenu umjetnost ta poruka putuje svijetom upravo iz Sarajeva.

80. godišnjica grada Wolfsburga (SR Njemačka), 28.06.-02.07.2018.

Na poziv gradonačelnika pobratimskog grada Wolfsburga, proslavi 80. godišnjice Wolfsburga i 20. godišnjice partnerstva s poljskim gradom Bielsko - Biala, u ime Grada Sarajeva prisustvovale su pomoćnica gradonačelnika za lokalnu samoupravu i razvoj grada, Dragana Solaković i šefica Odsjeka za razvoj grada i međunarodnu saradnju, Merima Hadžiabdić.

Otvorenje 69. Dubrovačkih ljetnih igara, Dubrovnik (R Hrvatska), 10.07.2018.

Najznačajnijem kulturnom događaju u Dubrovniku - otvorenju 69. Dubrovačkih ljetnih igara, održanom 10.07.2018., prisustvovale su zamjenice predsjedavajućeg Gradskog vijeća Grada Sarajeva Edina Gabela i Mira Jurić.

Posjeta stipendistima Fonda Ikre u Novom Vinodolskom (R Hrvatska), 13.08.2018.

Grad Zagreb u saradnji s Gradom Sarajevom od 2014. pruža gostoprimstvo djeci iz socijalno ugroženih obitelji - stipendistima Fonda za stipendiranje i školovanje djece boraca, poginulih boraca i poginulih civila – žrtava rata „IKRE“, na ljetovanju u Novom Vinodolskom.

Gradonačelnici Sarajeva i Zagreba, Abdulah Skaka i Milan Bandić posjetili su 13.08.2018. djecu iz Sarajeva, koja su ljetovala u hostelu Gradskog društva Crvenog križa Zagreb Villa Rustica u Novom Vinodolskom. U pratnji gradonačelnika bila je Sanela Očko, viši referent – tehnički sekretar i Tarik Lazović, angažiran po ugovoru o djelu.

Gradonačelnik Sarajeva je zahvalio domaćinima koji realiziraju ovaj projekt, te je najavio realizaciju sličnog u našoj zemlji, istakavši da je Grad Sarajevo spreman da već na zimu ugosti djecu iz Hrvatske, na olimpijskim planinama, gdje bi proveli zimovanje.

Trilateralni sastanak gradonačelnika Beograda, Zagreba i Sarajeva, Sarajevo, 17.08.2018.

Gradonačelnik Sarajeva Abdulah Skaka bio je domaćin gradonačelniku Beograda Zoranu Radojičiću i gradonačelniku Milanu Bandiću na prvom trilateralnom sastanku gradonačelnika glavnih gradova BiH, Srbije i Hrvatske, održanom u Sarajevu 17.08.2018.

Tokom dijaloga konstatirano je da su stabilnost i mir u regiji, na bazi uzajamnog poštovanja, izuzetno značajni za sve građane koji žive na ovim prostorima.

Gradonačelnici su govorili o mogućnostima kreiranja jedinstvene turističke ponude uz pomoć turističkih zajednica, kako bi glavne gradove dodatno povezali, kao i uložili u glavne gradove u procesu izgradnje trajnog mira, pomirenja i saradnje u regionu.

Složili su se da je saradnja između Beograda, Sarajeva i Zagreba u oblasti turizma, kulture, privrede i sporta, izuzetno značajna za njihove građane, narode, kao i za čelnike ova tri grada. Dogovoreno je da trilateralni sastanak postane tradicionalni događaj, s tim što će se sljedeći održati u Zagrebu, a potom i u Beogradu.

Posjeta učenika i predstavnika škola iz Konye (R Turska), 27.08.2018.

U okviru realizacije nagradnog putovanja za učenike osnovnih i srednjih škola iz Konye, u Sarajevo je doputovalo 28 najuspješnijih učenika, 16 nastavnika, četiri direktora i dva predstavnika grada Konye.

Pomoćnica gradonačelnika za lokalnu samoupravu i razvoj grada Dragana Solaković delegaciju je dočekala u Vijećnici i izrazila zadovoljstvo što su Sarajevo izabrali i ponudili kao nagradu mladim uspješnim ljudima.

Cilj posjete bio je upoznavanje s bogatom kulturno-historijskom i prirodnom baštinom, te razgovor o budućoj saradnji kroz brojne aktivnosti koje se ogledaju i u međusobnim posjetama.

74. godišnjica oslobođenja Prata (R Italija), 06.- 08.09.2018.

Zamjenica predsjedavajućeg Gradskog vijeća Edina Gabela i gradski vijećnici Hazim Bahtanović i Srđan Srdić prisustvovali su obilježavanju 74. godišnjice oslobođenja grada Prata i historijske parade *Corteggio storico*.

Posjeta delegacije Grada Pekinga (NR Kina), 07.09.2018.

Delegacija Grada Sarajeva na čelu sa zamjenikom gradonačelnika Ivicom Šarićem i predsjedavajućim Gradskog vijeća Igorom Gavrićem, primila je u Vijećnici 07.09.2018., delegaciju Narodne vlade Grada Pekinga, na čelu s potpredsjednicom Stalnog odbora Narodnog kongresa Grada Bejinga (BMPC) Yan Aoshuang.

Visoka delegacija Grada Pekinga boravila je u Sarajevu s ciljem jačanja odnosa s glavnim gradom BiH, a gosti su obišli neke od najznačajnijih kulturno-historijskih spomenika i turističkih atrakcija među kojima je i Sarajevska žičara.

Na sastanku je razgovarano i o uspostavljanje pobratimskih odnosa između Sarajeva i Pekinga.

Koncert 2CELLOS, Beograd (R Srbija), 08.09.2018.

Gradonačelnik Sarajeva, zajedno s gradonačelnikom Beograda, prisustvovao je koncertu 2CELLOS u Beogradu. U pratnji gradonačelnika Abdulaha Skake bili su pomoćnica gradonačelnika za lokalnu samoupravu i razvoj grada Dragana Solaković, viši referent za poslove protokola Denis Kovačević i referent – kurir Sanjin Teparić.

Posjeta Gradu Tirani (R Albanija), 10.-12.09.2018.

Gradonačelnik Sarajeva Abdulah Skaka s delegacijom koju su činili zamjenica predsjedavajućeg Gradskog vijeća Mira Jurić, savjetnik gradonačelnika Ensar Eminović, šefica kabineta gradonačelnika Erna Čolić, gradski vijećnik Bajro Biber i direktor JP Sarajevo d.o.o. Esad Tanović, boravio je u službenoj posjeti Tirani od 10. do 12.09.2018. godine. Gradonačelnik Skaka, kome je uručen ključ ovog pobratimskog grada, zahvalio je na ukazanoj časti ističući kako Sarajevo i Tirana dijele europsku budućnost i izrastaju u istinske europske metropole i regionalne centre. Razgovarano je i o konkretnim projektima saradnje u turizmu, razmjeni iskustava u korištenju europskih fondova te razvojnim mogućnostima, a razmijenjene su ideje o zajedničkom nastupu prema stranim tržištima.

Sissi koncert, Bad Ischl (R Austrija), 12.-14.09.2018.

Gradonačelnik prijateljskog grada Bad Ischla uputio je poziv gradonačelniku Sarajeva na Sissi koncert filharmonijskog benda Gastouri s Krfa, u Bad Ischlu 13.09.2018.. U ime Grada Sarajeva, koncertu su prisustvovali pomoćnik gradonačelnika za EU integracije i EU fondove Elvir Hadžiahmetović, i šefica Odsjeka za razvoj grada i međunarodnu saradnju Merima Hadžiabdić. Gradonačelnik Bad Ischla Hannes Heide organizirao je prijem za predstavnike Grada Sarajeva na kojem je razgovarano o saradnji dva grada, te predložio saradnju jazz muzičara dva grada. Predstavnici Grada Sarajeva susreli su se i s Lisom Neuhuber, projekt menadžericom projekta kandidature Salzkammergut regije, na čelu s Bad Ischlom, za Europsku prijestolnicu kulture 2024. Također, predstavnici Grada Sarajeva susreli su se i s Johannesom Aldrianom, direktorom Katrin žičare u Bad Ischlu koji je prezentirao način upravljanja žičarom i budućim planovima. Gradonačelnik Heide je predložio saradnju dva grada putem Austrijskog kulturnog foruma u Sarajevu, koji je s radom počeo u oktobru 2018. godine.

Prijem učenika OŠ Musa Ćazim Ćatić Sarajevo i Gemeinschaftsschule Schreienesch iz Friedrichshafena (SR Njemačka), Sarajevo, 03.10.2018.

Pomoćnica gradonačelnika za obrazovanje, kulturu, sport i mlade Amina Deljković poželila je dobrodošlicu učenicima osnovne škole Gemeinschaftsschule Schreienesch iz pobratimskog grada Friedrichshafena i njihovim domaćinima iz sarajevske OŠ Musa Ćazim Ćatić, u Vijećnici 03.10.2018. Ove dvije škole već 10 godina razmjenjuju posjete i realiziraju različite projekte u okviru dugogodišnje saradnje između Sarajeva i Friedrichshafena.

Posjeta učenika gimnazija Karl Maybach i Graf Zeppelin iz Friedrichshafena (SR Njemačka), Sarajevo, 22.10.2018.

Učenici i profesori gimnazija iz Friedrichshafena, Graff Zeppelin i Karl Maybach, bili su gosti Prve gimnazije. Projekt razmjene gimnazijalaca ova dva grada traje već 22 godine. Realizuje se u sklopu prijateljske saradnje i pobratimskih veza Sarajeva i Friedrichshafena. Njemačka delegacija je humanitarnoj organizaciji Pomozi.ba uručila dva čeka u iznosu od po 500,00 eura, koje su osigurali Udruženje Pro Sarajevo i Grad Friedrichshafen. Novčana donacija usmjerena je za pomoć migrantima i izbjeglicama koji se trenutno nalaze u BiH. Učenici ovih škola su također prikupili i dostavili donacije odjeće.

Posjeta Gradu Istanbulu (R Turska), 29.-30.10.2018.

Gradonačelnik Sarajeva Abdulah Skaka, zajedno s predsjedavajućim Vijeća ministara BiH Denisom Zvizdićem, boravio je u Istanbulu povodom otvaranja najvećeg aerodroma na svijetu i trećeg aerodroma u Istanbulu. Tom prilikom, sastao se s gradonačelnikom Istanbula Mevlutom Uysalom te su konstatovali da je u narednom periodu neophodno intenzivirati saradnju između privrednih komora.

Susret gradonačelnika Sarajeva i Dubrovnika, Dubrovnik (R Hrvatska), 22.11.2018.

Nakon promocije Sarajeva kao novogodišnjeg centra regije, održane u Dubrovniku 22.11.2018. godine, održan je sastanak gradonačelnika Sarajeva i Dubrovnika. U pratnji gradonačelnika bili su rukovodilac Stručne službe gradonačelnika Maja Hadžihalilović i direktor JP Sarajevo d.o.o. Esad Tanović, a uz gradonačelnika Dubrovnika zamjenica gradonačelnika Jelka Tepšić, pročelnica Upravnog odjela za europske fondove, regionalnu i međunarodnu saradnju Zrinka Raguž i pročelnik Upravnog odjela za turizam, gospodarstvo i more Marko Miljanić. Sastanku je prisustvovao i predsjednik Izvršnog odbora Islamske zajednice u Dubrovniku Fehim Vukotić.

Tokom sastanka razgovarano je o dosadašnjoj uspješnoj saradnji dva grada, te o mogućnostima i područjima u kojima se ona može intenzivirati. Usaglašena je zajednička vizija saradnje kroz turističku promociju destinacije u oba grada, uz podršku Turističke zajednice Grada Dubrovnika i Turističke zajednice KS. Dogovoreno je otvaranje info-turističkog punkta Sarajeva u Dubrovniku i info-turističkog punkta Dubrovnika u Sarajevu, čime će se otvoriti mogućnosti da se dobiju sve informacije o ova dva grada i njihovoj turističkoj ponudi na jednom mjestu. Na ovaj način jedni drugima približit će prirodne ljepote, običaje, turističke potencijale, kulturne manifestacije, kulturno-historijske znamenitosti, gastronomiju.

Dani Isfahana, Isfahan (IR Iran), 21.-25.11.2018.

Na poziv gradonačelnika Isfahana, u ime Grada Sarajeva, pomoćnica gradonačelnika za obrazovanje, kulturu, sport i mlade Amina Deljković i gradski vijećnik Almedin Miladin, prisustvovali su manifestaciji „Dani Isfahana“. Ovim događajem obilježena je proslava godišnjice osnivanja jednog od najvažnijih historijskih i turističkih gradova Irana.

Intervju za medije iz Tijandina (NR Kina), Sarajevo, 27.11.2018.

Predstavnici Sekretarijata ureda za informiranje i Odsjeka za međunarodne odnose Grada Tijandina, te pojedinih medijskih kuća iz tog kineskog grada, intervjuisali su zamjenika gradonačelnika Milana Trivića i višeg stručnog saradnika u Službi za obrazovanje, kulturu, sport i mlade Nedžada Fazliju.

Tema razgovora bila je pobratimska saradnja dva grada, kao i aktivnosti u oblasti sporta, s obzirom na održavanje EYOF-a 2019, te na činjenicu da je Peking domaćin Zimskih olimpijskih igara 2022.

Posjeta delegacije Grada Istanbula (R Turska), Sarajevo, 04.-06.12.2018.

Gradonačelnik Sarajeva Abdulah Skaka primio je u Vijećnici delegaciju Grada Istanbula, predvođenu savjetnikom gradonačelnika Hüseyin Erenom i gradskim vijećnikom Kağanom Şahinom. Prijemu je prisustvovao i Omer Faruk Alimci, direktor Predstavništva za BiH Turske uprave za međunarodnu saradnju i razvoj TIKA.

Razgovarano je o konkretnoj podršci i prijenosu pozitivnih iskustava ovog pobratimskog grada Sarajevu pogotovo kad je riječ o vodosnabdijevanju, saobraćaju, zagađenju zraka, te o načinu sanacije, restauracije i zaštite kulturno-historijskog naslijeđa.

Gradonačelnik Sarajeva je istaknuo da gradske uprave dva grada imaju izuzetno sadržajnu i kvalitetnu saradnju, te da je i ovo prilika da se dogovore buduće zajedničke inicijative i konkretni projekti koji će doprinijeti razvijanje novih i unaprjeđenju postojećih veza.

Promocija 5. Dubrovačkog zimskog festivala u Sarajevu, 08.12.2018.

Predstavnici Grada Dubrovnika i Turističke zajednice grada Dubrovnika, koje su činili pročelnik za turizam, gospodarstvo i more Grada Dubrovnika Marko Miljanić, pomoćnica pročelnika za turizam, gospodarstvo i more Grada Dubrovnika Antonela Đurđević Bujak, zamjenik pročelnika za kulturu Grada Dubrovnika Tonći Daničić i stručni saradnik u Odjelu za manifestacije Turističke zajednice grada Dubrovnika Pero Brajević, predstavili su ovogodišnji peti po redu Dubrovački zimski festival u Sarajevu.

Promocija Dubrovačkog zimskog festivala održana je 08.12.2018. ispred sarajevske Katedrale uz nastup klape Kaše, tradicionalnu dubrovačku kolendu i dijeljenje letaka s programom Dubrovačkog zimskog festivala i teksta Dubrovačke kolende.

Obilježavanje - Dana oslobođenja Podgorice, Podgorica (Crna Gora), 18.-20.12.2018.

Na poziv gradonačelnika Podgorice Ivana Vukovića, obilježavanju 19. decembra - Dana oslobođenja Podgorice, prisustvovali su zamjenik gradonačelnika Ivica Šarić, predsjedavajući Gradskog vijeća Igor Gavrić, zamjenica predsjedavajućeg Gradskog vijeća Edina Gabela, te gradski vijećnici Miro Lazović i Nuko Grebović.

III. Međunarodni skupovi

Sastanak/Projekat "Povezivanje gradova Velike Britanije i Zapadnog Balkana kroz digitalnu tehnologiju" - Digitalni gradovi, Budva (Crna Gora), 19.01.2018.

Sastanak gradskih uprava u okviru Projekta "Povezivanje gradova Velike Britanije i Zapadnog Balkana kroz digitalnu tehnologiju" - *Digitalni gradovi*, u organizaciji Britanskog kulturnog centra (British Council) i Vlade Velike Britanije, održan je u Budvi 19.01.2018.. Projekat ima za cilj povezivanje kreativnih centara iz 12 gradova zapadnog Balkana, odnosno habova, startupova, malih i srednjih preduzeća iz oblasti kreativne industrije, tehnologije i obrazovanja, s kreativnim centrima, odnosno lokalnim samoupravama i partnerima iz Velike Britanije. Događaju su u ime Grada Sarajeva prisustvovali savjetnik gradonačelnika za međunarodnu saradnu i EU integracije Ensar Eminović i Erna Čolić, savjetnica gradonačelnika za odnose s javnošću.

Konferencija "Povezivanje gradova Velike Britanije i Zapadnog Balkana kroz digitalnu tehnologiju – digitalni gradovi", London (Velika Britanija), 28. - 31.01.2018.

Na konferenciji o digitalnim gradovima održanoj u Londonu od 29. do 30.01.2018., predstavnici gradova zapadnog Balkana sastali su se s predstavnicima 11 britanskih gradova kako bi podijelili iskustva u razvoju politike digitalne industrije. Konferenciji su u ime Grada Sarajeva prisustvovali gradonačelnik Abdulah Skaka i savjetnik gradonačelnika za međunarodnu saradnu i EU integracije Ensar Eminović. Učesnici su posjetili neke od vodećih inicijativa JPP u Londonu, uključujući Britansku biblioteku i njen poslovni i IP centar i Youtube Space London, te vidjeli neke od vodećih digitalnih inovacija u Creative Industries-u.

Okrugli stol "Budućnost islama i muslimana u Europi na primjeru BiH i Andaluzije", Sarajevo, 25.01.2018.

Na poziv Unije evropskih demokrata Balkana (UEBD) gradonačelnik Sarajeva Abdulah Skaka prisustvovao je okruglom stolu "*Budućnost islama i muslimana u Europi na primjeru Bosne i Hercegovine i Andaluzije*", održanom u Sarajevu 25.01.2018.. Uvodna izlaganja imali su član Predsjedništva BiH Bakir Izetbegović i predsjednik Unije evropskih demokrata Turske (UETD) Zafer Sirakaya. Učesnici su bili i glasnogovornik predsjednika R Turske Ibrahim Kalin, poslanik Kršćanske Demokratske Unije (CDU) iz Njemačke Oliver Wittke, profesor Univerziteta Cambridge dr. Abdulhakim Murad i prof. dr. Fahrudin Rizvanbegović.

Radionica posvećena razvoju Digitalnih gradova - Sarajevo centar regije, 28.02.2018.

Predstavnici šest gradova regije (Tirana, Podgorica, Bitola, Banja Luka, Tuzla, Sarajevo) okupili su se u Sarajevu 28.02.2018. na radionici posvećenoj razvoju Digitalnih gradova u sklopu projekta koji se realizira s Vladom Velike Britanije i organizacijom British Council. Domaćin i organizator okupljanja IT stručnjaka uključenih u informatičkom povezivanju regije, na trećoj radionici po redu, bio je Grad Sarajevo. Sarajevo se nalazi među 12 nominiranih iz regije za učešće u programu „Digitalni gradovi“.

6. Globalni Baku Forum, Baku (R Azerbejdžan), 15.-17.03.2018.

Na poziv Internacionalnog centra Nizami Ganjavi, delegacija Grada Sarajeva koju su činili gradonačelnik Abdulah Skaka, savjetnik gradonačelnika Ensar Eminović, i Azra Kurtagić, angažirana po ugovoru o djelu, boravili su u Bakuu (Azerbejdžan) od 14. do 18.03.2018..

Delegacija je prisustvovala 6. Globalnom Baku Forumu pod nazivom "Prevladavanje razlika u kreiranju inkluzivnih društava" gdje je uzela učešće u cjelodnevnim panelima; susrela se s brojnim zvaničnicima iz nekoliko gradova i država, a jedan od značajnijih susreta bio je susret s predsjednikom Republike Azerbejdžan Ilhamom Aliyevim.

Delegacija se sastala i s gradonačelnikom Grada Bakua Hajibala Abutalibovom, sa kojim je razgovarano o dugogodišnjim bratskim odnosima dva grada, kao i mogućnostima saradnje i unapređivanju odnosa.

Prva akademija za menadžment u kulturi, Sarajevo, 07.-12.05.2018.

Grad Sarajevo u partnerstvu s Goethe-Institutom BiH, organizirao je Prvu akademiju za menadžment u kulturi od 07. do 12.05.2018., te je time Sarajevo pored Soluna, Bukurešta i Sofije postao četvrti grad domaćin Akademije.

Rad akademije započeo je u Vijećnici pozdravnim govorima i prvim predavanjem o temi "Strategija razvoja kulture i njena implementacija", a ostale teme bile su osiguranje prostora u kulturi, diplomacija u kulturi, veće učešće publike i razvoj kulturne zajednice, te javno-privatno partnerstvo i sponzorstvo u kulturi.

Sastanak Održive urbane mobilnosti u gradovima JIE, Nikozija (R Kipar), 13.-17.05.2018.

U okviru 5. Europske konferencije o održivim planovima urbane mobilnosti (SUMP), regionalna radionica Održive urbane mobilnosti u gradovima Jugoistočne Europe (SUMSEEC), održana je u Nikoziji od 13. do 17.05.2018..

Tema Konferencije bila je multimodalnost s naglaskom na integraciju modusa prijevoza i kombinirana mobilna rješenja za putnike i teret u gradovima i regijama.

U ime Grada Sarajeva radionici su prisustvovali zamjenik gradonačelnika Milan Trivić i stručna saradnica za javne nabavke i izradu tenderske dokumentacije Nejra Selimović.

Konferencija "Transformacija gradova, poboljšanje kvaliteta života: inovacije primjenom rješenja zasnovanih na prirodi", A Coruna (K Španija), 15. - 17.05.2018.

Predstavnica SERDA-e, Belma Pašić, programski menadžer u Sektoru za strateško planiranje, upravljanje i realizaciju projekata i predstavnica Grada Sarajeva, Zinaida Čengić stručna savjetnica za pripremu projekata iz oblasti privrede, prisustvovala su konferenciji "Transformacija gradova, poboljšanje kvaliteta života: inovacije primjenom rješenja zasnovanih na prirodi (NBS)", održane u A Coruni (Kraljevina Španija) od 16. do 18.05.2018..

Konferencija kao zajednička inicijativa dva projekta EU, Connecting Nature i Think Nature, okupila je učesnike koji su imali priliku da u okviru radionica *Samit gradova. EU-Brazil dijalog i razmjena dobrih praksi*, razgovaraju o implementaciji i procjeni uticaja rješenja zasnovanih na prirodi, balansu između urbanog života i prirode, uključivanju interesnih grupa,

finansiranju projektnih rješenja zasnovanih na prirodi, te da se upoznaju s inovativnim rješenjima gradova.

SERDA u saradnji s Gradom Sarajevom, kao pridruženim partnerom, učestvuje u implementaciji projekta Connecting Nature, finansiranog iz EU programa Horizon 2020. Projekat ima za cilj da ponudi rješenja za probleme urbanih sredina primjenom tzv. zelenih rješenja - rješenja temeljenih na prirodi, koja će doprinijeti smanjenju prašine, zagađenja, ugljika, buke, itd. Projekat okuplja 29 europskih gradova naprednih u ovoj oblasti, čija će se iskustva i najbolje prakse prenijeti na prateće gradove.

Manifestacija Dani Beča u Sarajevu, Sarajevo, 02.-04.07.2018.

Zamjenik gradonačelnika Sarajeva Ivica Šarić, i vijećnik i zastupnik Gradskog vijeća i Pokrajinske skupštine Beča Marcus Schober, otvorili su manifestaciju *Dani Beča u Sarajevu* na Trgu djece Sarajeva, 02.07.2018.. U okviru manifestacije održana je dvodnevna konferencija *Sarajevo i Beč – inovativno u budućnost* na temu smart city, efikasnija gradska komunikacija, energija, pametna rješenja za upravljanje biciklističkim saobraćajem i gradskim vodama, podrška start up-ovima, hidroelektrane za pitku vodu i urbana mobilnost. Profesionalna Bečka vatrogasna služba donirala je vatrogasno vozilo Dobrovoljnom vatrogasnom društvu Alipašin Most 03.07.2018. Oficir i glasnogovornik profesionalne Bečke vatrogasne službe Gerald Schimpf uručio je ključeve vatrogasnog vozila predsjedniku Dobrovoljnog vatrogasnog društva Alipašin Most Mesudu Jusufoviću. Istaknuo je da je ova donacija nastavak višegodišnje saradnje bečkih i sarajevskih vatrogasaca, ali i gradova prijatelja Beča i Sarajeva.

Kongres Svjetske asocijacije administrativnih gradova, Ankara (R Turska), 04.-06.09.2018.

Delegacija Grada Sarajeva koju su činili gradonačelnik Abdulah Skaka, savjetnik gradonačelnika Ensar Eminović, šefica kabineta gradonačelnika Erna Čolić, i Azra Kurtagić, angažirana po ugovoru o djelu, prisustvovala je inauguralnom kongresu Svjetske asocijacije administrativnih gradova na temu *Solidarnost i prosperitet svjetskih administrativnih gradova*, održanom u Ankari, 04.-06.09.2018. Grad Sarajevo se predstavio prezentacijom o projektima urađenim u gradu Sarajevu, a nakon toga delegacija je učestvovala u izboru skupštine Asocijacije. Tokom posjete održan je i bilateralni sastanak gradonačelnika Sarajeva i Ankare koji su razgovarali o zajedničkom projektu dva grada - parku Bentbaša.

Na marginama kongresa, održan je sastanak i s gradonačelnikom Sejongom, na kojem je razgovarano o primjeni rješenja i edukaciji za *Pametne gradove*.

Međunarodni okrugli stol gradova pobratima Tijandina i Ljetni Davos/12. Godišnji sastanak novih prvaka (AMNC 2018), Tijandin (NR Kina), 16.-19.09.2018.

Na poziv gradonačelnika pobratimskog grada Tijandina Zhang Guoqinga i predsjednika Svjetskog ekonomskog foruma Børge Brendea, delegacija Grada Sarajeva je od 16. do 19.09.2018. prisustvovala Međunarodnom okruglom stolu pobratimskih gradova Tijandina i 12. Godišnjem sastanku novih prvaka - poznatom kao Ljetni Davos, održanom u Tijandinu.

Delegaciju su činili gradonačelnik Abdulah Skaka, predsjedavajući Gradskog vijeća Igor Gavrić, savjetnik gradonačelnika za međunarodnu saradnju i europske integracije Ensar Eminović, gradski vijećnik Dado Stojnić, i viši referent za protokol Denis Kovačević.

Konferencija o održivim razvojnim ciljevima, Beč (R Austrija) 09.-10.10.2018.

Na poziv Grada Beča, delegacija Grada Sarajeva koju su činili Dragana Solaković, pomoćnica gradonačelnika za lokalnu samoupravu i razvoj grada, Lejla Bešlagić, angažirana po ugovoru o djelu, i Tarik Hamzić, šef finansija i IT poslova JP Sarajevo d.o.o., učestvovala je na Međunarodnoj konferenciji o održivim razvojnim ciljevima, održanoj u Beču od 09. do 10.10.2018.. Kako je u fokusu ove konferencije bilo prezentiranje pojedinih pametnih rješenja s aspekta postizanja ciljeva održivog razvoja gradova-učesnika, Tarik Hamzić je održao prezentaciju pod nazivom "Sarajevo vs Sustainable Development Goals". Gradovi koji su učestvovali na konferenciji su Beč, Ljubljana, Krakow, Jihlava, Prag, Sofia, Zagreb i Sarajevo, a svi učesnici su imali priliku posjetiti i UNO City, sjedište UN-a u Beču.

Samit gradonačelnika glavnih gradova zemalja CEI i Kine 16+1, Beograd (R Srbija), 15.-17.10.2018.

Na poziv gradonačelnika Beograda Zorana Radojičića, delegacija Grada Sarajeva, koju su činili zamjenik gradonačelnika Milan Trivić, vijećnik Gradskog vijeća Nuko Grebović, i stručna saradnica za međunarodnu saradnju Nina Fućec, prisustvovala je trećem Samitu gradonačelnika glavnih gradova Centralne i Istočne Europe (CEI) i NR Kine (16+1), održanom u Beogradu od 15. do 17.10.2018..

Delegacija je prisustvovala zajedničkoj ceremoniji otvaranja Samita i trećeg sastanka Ministara saobraćaja Kine i zemalja Centralne i Istočne Europe u Palati Srbije.

Nakon ceremonije otvaranja uslijedila je plenarna sjednica na kojoj su sudjelovali predstavnici glavnih gradova CEI i Kine na temu "Investicijski projekti gradova učesnika i NR Kine, JPP kao model za finansiranje projekata od javnog značaja, kreiranje i značaj jedinstvene turističke ponude CEI usmjerene ka kineskom tržištu".

Zamjenik gradonačelnika Trivić održao je prezentaciju na temu "Održivi razvojni ciljevi Grada Sarajeva" u kojoj se osvrnuo na 12 ciljeva održivog razvoja i obnovu sarajevske žičare kao primjera dobre prakse kojim je obuhvaćeno 11 od 12 ciljeva održivog razvoja. Konferencija je završena usvajanjem zajedničke deklaracije glavnih gradova zemalja Centralne i Istočne Europe i Kine i obraćanjem domaćina sljedećeg Samita gradonačelnika glavnih gradova zemalja Centralne i Istočne Europe i Kine, koji će se održati u Tirani, Albanija.

Konferencija Mostovi mira - Religije i kulture u dijalogu, Bolonja (R Italija), 15.-17.10.2018.

Na poziv generalnog sekretara Zajednice Sant'Egidio prof. Alberta Quattruccija, gradonačelnik Sarajeva Abdulah Skaka i šefica kabineta gradonačelnika Erna Čolić sudjelovali su na 32. međunarodnoj konferenciji Mostovi mira, Bolonja, 14. - 16.10.2018.

Gradonačelnik Sarajeva obratio se prisutnima u okviru Panela "Naša je budućnost živjeti zajedno", a pored njega učesnici panela bili su i predsjednik Jevrejske općine BiH Jakob Finci, sarajevski mitropolit Hrizostom, vrhbosanski nadbiskup Vinko Puljić, zamjenik reisu-l-uleme IZ u BiH Husein ef. Smajić, te bivši predsjednik međunarodnog komiteta Crvenog križa Cornelio Sommaruga.

Konferencija pobratimskih gradova Grada Magdeburga „Kultura povezuje“, Magdeburg (SR Njemačka), 22.-25.10.2018.

Zamjenica predsjedavajućeg Gradskog vijeća Edina Gabela i gradski vijećnici Snežana Omukić, Sead Srna i Bajro Biber, prisustvovali su Konferenciji pobratimskih gradova „Kultura povezuje“, održanoj u Magdeburgu, 22. do 25.10.2018.

U okviru programa Konferencije razmijenjena su mišljenja o dosadašnjoj dugogodišnjoj saradnji pobratimskih gradova s Magdeburgom, te je razgovarano o novim idejama i projektima i intenziviranju buduće saradnje u oblasti kulture Grada Magdeburga s pobratimskim gradovima. Zamjenica predsjedavajućeg Gradskog vijeća Edina Gabela, u ime Grada Sarajeva, potpisala je *Deklaraciju – podršku Gradu Magdeburgu za Europsku prijestolnicu kulture 2025*. Pored Grada Sarajeva, Konferenciji su prisustvovali i ostali pobratimski gradovi Magdeburga: Nashville (SAD), Harbin (Kina), Zaporozhe (Ukrajina), Radom (Poljska), Le Havre (Francuska) i Brunswick kao njemački partnerski grad.

3. Forum Sarajevo Unlimited 2018, Sarajevo, 05.11.2018.

U organizaciji poduzetničkog centra Networks, te pokroviteljstvom Grada Sarajeva 3. Forum Sarajevo Unlimited 2018 održan je u Sarajevu od 05. do 07.11.2018. najvećem regionalnom forumu inovacija, tehnologije i poduzetništva. Na marginama ovog događaja, gradonačelnik Sarajeva potpisao je *Sporazum o saradnji s kineskom telekomunikacijskom korporacijom Huawei*, kojim se formulira okvir za buduću saradnju na konkretnim projektima u oblasti primjene novih tehnologija u lokalnoj upravi, te razvoju pametnih rješenja. Sarajevo – Smart City inicijativa, koja predstavlja saradnju Grada Sarajeva i Razvojnog programa Ujedinjenih nacija (UNDP) u BiH, zvanično je započela potpisivanjem *Memoranduma o razumijevanju* od strane gradonačelnika Abdulaha Skake i zamjenika rezidentnog predstavnika UNDP-a Sukhrob Khoshmukhamedov-a. Pilot inicijativa koju finansira UNDP ima za cilj otvoriti dijalog između građana, predstavnika vlasti, akademske zajednice i privatnog sektora o budućnosti razvoja pametnog Sarajeva, te testirati inovativna rješenja za digitalno urbano planiranje, unapređenje javnih usluga korištenjem novih tehnologija, kao i tzv. „smart“ urbano poslovanje.

Regionalni sastanak - Održiva urbana mobilnost JIE, Beč (R Austrija), 05.-07.12.2018.

Zamjenik gradonačelnika Milan Trivić sudjelovao je u radu Regionalnog sastanka projekta "Održiva urbana mobilnost u zemljama jugoistočne Europe - gradovi jugoistočne Europe zajedno ka održivom i energetski efikasnom transportu II (SUMSEEC II)", održanog u Beču, 05. do 07.12.2018.

18. Međunarodni ekonomski forum „Korporativno upravljanje“, Dubrovnik (Republika Hrvatska), 06.-07.12.2018.

18. Međunarodni ekonomski forum „Korporativno upravljanje“, održan je u organizaciji konsultantske kuće Revicon d.o.o. Sarajevo, u Dubrovniku, 06. do 07.12.2018. Događaju su prisustvovali, zamjenica predsjedavajućeg Gradskog vijeća Edina Gabela, i gradski vijećnici Miro Lazović i Nuko Grebović.

IV. Saradnja s diplomatsko-konzularnim predstavništvima

Sastanak s ambasadorom Velike Britanije, Sarajevo, 15.01.2018.

Gradonačelnik Sarajeva Abdulah Skaka sastao se s ambasadorom Velike Britanije Edwardom Fergusonom u Vijećnici 15.01.2018. godine na kojem je, između ostalog, razgovarano o projektu "Povezivanje gradova Velike Britanije i Zapadnog Balkana kroz digitalnu tehnologiju – digitalni gradovi", podržanom od strane Vlade Velike Britanije, a implementira ga „British Council“.

Ambasador Ferguson istakao je da Ambasada Velike Britanije započinje projekat čiji je cilj podrška razvoju digitalnog sektora širom BiH, te da u tom projektu gradovi imaju veoma bitne uloge u pogledu uvezivanja poslovnih subjekata, obrazovnih institucija i javne administracije. Također, jedna od tema razgovora bila je i potreba za uspostavljanjem direktnog leta između Londona i Sarajeva u cilju unaprijeđenja komunikacije i poslovnih veza, a posebno promocije turističkih potencijala.

Nastupna posjeta ambasadora Malezije, Sarajevo, 24.01.2018.

Gradonačelnik Sarajeva Abdulah Skaka primio je u nastupnu posjetu ambasadora Malezije Zakri Jaafara u Vijećnici 24.01.2018..

Razgovarano je o bilateralnim odnosima BiH i Malezije, mogućnostima uspostavljanja saradnje Grada Sarajeva s malezijskim gradovima, investicijama i privrednoj saradnji, pri čemu je istaknut značaj uloge Ambasade Malezije u BiH.

Gradonačelnik je pozvao jednog urednika značajnog malezijskog lista, portala ili novinara da bude gost Grada Sarajeva tokom održavanja Sarajevo film festivala, kako bi napisao tekst o glavom gradu BiH i napravio turističku promociju Sarajeva.

Također, gradonačelnik je pozvao tri malezijska spisatelja da kao gosti Grada Sarajeva borave u Sarajevu jedan do dva mjeseca, te da napišu tekst o Sarajevu sa osvrtom na život ovdašnjih autentičnih europskih muslimana.

Nastupna posjeta ambasadora Tajlanda, Sarajevo, 21.02.2018.

Gradonačelnik Sarajeva Abdulah Skaka primio je u nastupnu posjetu ambasadora Kraljevine Tajland za BiH sa sjedištem u Budimpešti, Jakkrita Srivalija u Vijećnici 21.02.2018.

Ambasador Srivali je zahvalio na srdačnom prijemu koji je ukazao princezi Maha Chakri Sirindhorn od Tajlanda tokom njene posjete Sarajevu u aprilu 2017. i izrazio namjeru za održavanje kulturnog događaja u Sarajevu, što je gradonačelnik prihvatio.

Na sastanku je bilo riječi o imenovanju počasnog konzula BiH za Tajland. Ambasador Srivali se složio s tim prijedlogom i predložio da bh. strana predloži kandidata za počasnog konzula. Gradonačelnik je zahvalio ambasadoru na dolasku i rekao da planira doći u službenu posjetu Tajlandu u oktobru/novembru 2018., te se susresti s gradonačelnikom Bangkoka.

Nastupna posjeta ambasadorice Republike Slovenije, Sarajevo, 21.02.2018.

Gradonačelnik Sarajeva Abdulah Skaka primio je u nastupnu posjetu ambasadoricu Republike Slovenije Zoricu Bukinac u Vijećnici, 21.02.2018.

Tokom sastanka istaknuta je dugogodišnja uspješna saradnja između Ljubljane i Sarajeva u različitim oblastima, te je poseban naglasak stavljen na mogućnost saradnje u oblasti apliciranja na EU fondove i u oblasti ekologije.

Prijem šefa misije Ureda Ambasade Republike Azerbejdžan, Sarajevo, 26.02.2018.

Gradonačelnik Sarajeva Abdulah Skaka primio je šefa misije Ureda Ambasade Republike Azerbejdžan Elnura Guliyeva u Vijećnici 26.02.2018.

Gradonačelnik Skaka istakao je da je Baku jedan od najstarijih pobratimskih gradova Sarajeva i izrazio je spremnost Grada Sarajeva da saraduje s Bakuom na konkretnim projektima.

Dogovoreno je da se tokom prijema kod gradonačelnika Bakua održi prezentacija o gradu Sarajevu, kako bi se predstavili njegovi turistički potencijali i privukao veći broj posjetilaca u glavni grad BiH. Gradonačelnik je predložio postavku replike Sebilja na reprezentativno mjesto u Bakuu.

Prijem ambasadora Italije, Sarajevo, 26.02.2018.

Gradonačelnik Sarajeva Abdulah Skaka primio je ambasadora Republike Italije Nicolu Minasija u Vijećnici 26.02.2018.

Ambasador Minasi uručio je gradonačelniku Sarajeva dopis italijanskog Grada Piacenze koji je izrazio želju za uspostavljanjem pobratimskih odnosa s Gradom Sarajevom i koji pruža značajnu podršku naporima člana Parlamenta R Italije Marca Bergonzija na njegovom angažmanu na promociji jačanja prijateljstva, solidarnosti i razumijevanja između Sarajeva i Piacenze. Imajući u vidu da već postoji određen vid saradnje i razmjene između srednjih škola Piacenze, Sarajeva (Prva i Druga gimnazija) i Istočnog Sarajeva, gradonačelnik je predložio uspostavljanje saradnje s općinama iz sarajevske regije gdje bi pravci zajedničkog djelovanja bili definirani *Sporazumom o saradnji*, a Grad Sarajevo bi imao ulogu posrednika. Gradonačelnik je iznio ideju da se na nekoj fasadi u Sarajevu naslika mural koji će svjedočiti prijateljstvu Sarajeva i Piacenze.

Prijem ambasadora Kraljevine Saudijske Arabije, Sarajevo, 26.02.2018.

Prilikom sastanka gradonačelnika Sarajeva Abdulaha Skaka s ambasadorom Kraljevine Saudijske Arabije Hani bin Abdullah M. Mominahom, održanom u Vijećnici 26.02.2018., razgovarano je o uspostavljanju kvalitetnije saradnje između glavnog grada BiH i partnera iz Saudijske Arabije.

Gradonačelnik Sarajeva je istakao kako je Kraljevina Saudijska Arabija realizirala brojne projekte u BiH, posebno u Sarajevu, te naglasio želju da ti odnosi razvijaju u partnersku saradnju, posebno turističke saradnje.

Prijateljski odnosi sa Saudijskom Arabijom su tradicija koju će Sarajevo i dalje čuvati i njegovati. Diplomatski predstavnici Kraljevine su također iskazali namjeru da sa Sarajevom uspostave čvršću saradnju koja bi se trebala formalizirati.

Prijem ambasadora Kraljevine Belgije, Sarajevo, 12.04.2018.

Gradonačelnik Sarajeva Abdulah Skaka primio je ambasadora Kraljevine Belgije za BiH sa sjedištem u Beču Willem Van de Voordea i šefa diplomatskog ureda Belgije u BiH Williama Asselbornala, u Vijećnici 12.04.2018.

Gradonačelnik Skaka izrazio je nadu da će Belgija nastaviti podržavati BiH na njenom putu ka punopravnom članstvu u EU, imajući u vidu da je Brisel sjedište EU. U tom smislu, naglašena je značajna uloga ambasadora Belgije.

Ambasador Van de Voord upoznao je gradonačelnika s novom Strategijom proširenja koja je nedavno predstavljena u Europskoj komisiji i koja pokazuje snažnu opredijeljenost EU za proširenje na zemlje Zapadnog Balkana.

Strategija daje mogućnost svim zemljama Zapadnog Balkana da ispunjavanjem uslova imaju mogućnost pristupanja članstvu u EU.

Ambasador je predložio da gradonačelnik Sarajeva planira službenu posjetu Gradu Briselu.

Prijem ambasadora R Austrije, Sarajevo, 25.04.2018.

Gradonačelnik Sarajeva Abdulah Skaka primio je ambasadora Republike Austrije Martina Pammera u Vijećnici 25.04.2018. Tema sastanka bilo je održavanje Austrijskog bala koji se drugi put održava u gradu Sarajevu.

Ambasador je istakao je da će program „Austrijskog bala“ biti isti kao prošlogodišnji, te da su ovogodišnji sponzori bala austrijski gradovi Beč, Graz i Salzburg, te vlada Štajerske, ali da je najveći dio sredstava osigurala Ambasada Republike Austrije.

Prijem ambasadorice AR Egipat, Sarajevo, 16.05.2018.

Gradonačelnik Sarajeva Abdulah Skaka primio je ambasadoricu AR Egipat Halu Samir El Bishlawy, u Vijećnici 16.05.2018. koja je izrazila zadovoljstvo postojećim dobrim odnosima između BiH i AR Egipat i uvjerenje da se oni mogu dodatno osnažiti i proširiti.

Gradonačelnik je upoznao ambasadoricu s namjerom Grada Sarajeva da kandidira kulturno-historijske objekte iz Sarajeva za listu svjetske baštine UNESCO-a i predložio saradnju s nadležnom institucijom iz Egipta u cilju informiranja o načinima pristupa fondovima za obnovu kulturnih spomenika koji bi nakon toga bili kandidirani za listu UNESCO-a. Ambasadorica je prihvatila tu ideju i zatražila da Grad Sarajevo dostavi konkretan projekat objekta koji namjerava kandidirati koji bi Ambasada prosljedila egipatskom Ministarstvu za antičke spomenike. Gradonačelnik je predložio projekt obnove Bijele tabije za koji je već urađen idejni projekt, te naveo da bi bilo dobro uspostaviti saradnju između Komisije za obnovu spomenika, eksperata iz Grada Sarajeva i Egipta. Izrazio je spremnost Grada Sarajeva da bude domaćin eksperta iz Egipta koji radi na procesu stavljanja spomenika iz Egipta na listu UNESCO-a.

Ambasadorica je navela da Egipat nudi stipendije za studije na Univerzitetu Al Azhar i to: 3 stipendije za dodiplomske studije, 3 stipendije za magistarske studije i 3 stipendije za doktorat, te zatražila od Grada da odabere kandidate za studije i uputi ih na ambasadu. Gradonačelnik je kazao kako će Grad Sarajevo raspisati konkurs na kojem će izvršiti izbor najboljih kandidata za stipendiju, te pozvao umjetnike iz Egipta da nastupe na nekom od kulturno-umjetničkih događaja koji se održavaju u septembru.

Prijem ambasadorice NR Kine, Sarajevo, 21.05.2018.

Gradonačelnik Sarajeva Abdulah Skaka primio je u Vijećnici 21.05.2018. ambasadoricu NR Kine Chen Bo kojoj je zahvalio na naporima koje je uložila u cilju realizacije bezvignog režima, te izrazio uvjerenje da će broj turista koji posjećuju Sarajevo i BiH, a koji bilježi stalan porast, biti još veći.

Ambasadorica Bo izrazila je želju za saradnjom na turističkoj promociji Sarajeva među kineskim građanima, te navela da postoji mehanizam za to u okviru kineske inicijative "16+1" i da se već radi na planiranju te aktivnosti za 2019. godinu koja će biti *godina mladih*. Predložila je organizaciju *Festivala zimskih sportova za univerzitetske studente 16+1* u saradnji s Gradom Sarajevom i Gradom Istočnim Sarajevom, koji bi se u cilju promocije zimskog turizma i potencijala, te povezivanja mladih, održao nakon ili u sklopu EYOF-a ili testnih takmičenja, a bio bi namijenjen za mlade iz 16 zemalja srednje i istočne Europe i Kine. Kina bi pokrila troškove svojih učesnika.

Gradonačelnik je rekao da nije tehnički izvodljivo održati Festival zajedno s EYOF-om ili nakon EYOF-a, te je rekao da će razmotriti mogućnost održavanja Festivala u sklopu testnih takmičenja u januaru 2019..

Gradonačelnik je još jednom izrazio spremnost da Grad Sarajevo bude domaćin predstavniku jednog od web portala iz Kine koji bi uradio reportažu o Sarajevu.

Ambasadorica je ponovo uputila poziv gradonačelniku za učešće na Svjetskom ekonomskom forumu - ljetnom Davosu, u Tijandinu, 18. do 20.09.2018. Gradonačelnik je predložio da zajedno s gradonačelnikom Tijandina na Svjetskom ekonomskom forumu - ljetnom Davosu, svečano otkrije replike sebilja, koji bi kao poklon Grada Sarajeva trebao biti postavljen u tom kineskom gradu, te informirao ambasadoricu da će iznijeti prijedlog za organizaciju Festivala snijega i leda na sastanku s kompanijom EYOF 2019.

Nastupna posjeta ambasadora Japana, Sarajevo, 24.05.2018.

Gradonačelnik Sarajeva Abdulah Skaka primio je u nastupnu posjetu ambasadora Japana Hideyuki Sakamota, u Vijećnici 24.05.2018. Ambasador Sakamoto izrazio je zadovoljstvo sve većim brojem japanskih turista koji posjećuju Sarajevo, te želju za jačanjem saradnje između Japana i Sarajeva i BiH. Obzirom da Grad Sarajevo ima potpisan *Sporazum o saradnji* s Gradom Hirošimom, ambasador je predložio da se u 2019. organizira posjeta gradonačelnika tom japanskom gradu. Također je predložio da se u Sarajevu, krajem aprila 2019. organizira Proljetni festival, kojim bi se obilježilo cvjetanje japanske trešnje, ali i odala počast žrtvama proteklog rata. Na festivalu je predviđeno učešće umjetnika iz Japana, te je zatražena službena podrška Grada Sarajeva u organizaciji.

Prijem ambasadora Kraljevine Španije, Sarajevo, 24.05.2018.

Gradonačelnik Sarajeva Abdulah Skaka primio je u oproštajnu posjetu ambasadora Kraljevine Španije Juan Bosco Gimenez Soriana, u Vijećnici 24.05.2018.

Ambasador Soriano zahvalio je na podršci Grada Sarajeva Gradu Barceloni nakon terorističkog napada u tom gradu 25.08.2017., i solidarnosti koju je Grad Sarajevo pokazao oslikavanjem murala na Trgu Barcelone, te čestitao gradonačelniku na brojnim projektima koji su realizirani u godinu dana njegovog mandata, a koji imaju za cilj unapređenje života građana.

Gradonačelnik je istakao da Grad Sarajevo njeguje tradicionalne dobre odnose s Gradom Barcelonom, te da poštuje cjelovitost i teritorijalni integritet Španije. Istakao je da je Vlada Španije uložila mnogo u obnovu BiH, i da je, između ostalog, obnovila naselje Mojnilo, te da je zbog toga Trg Barcelone odabran za odavanje počasti žrtvama napada u Barceloni. Gradonačelnik je izrazio interes da Grad Sarajevo pored Barcelone, uspostavi konkretniju saradnju s Madridom, te zamolio ambasadora da uputi pismo Madridu s tim prijedlogom.

Prijem ambasadora Kipra, Sarajevo, 24.07.2018.

Zamjenik gradonačelnika Milan Trivić primio je u nastupnu posjetu ambasadora Republike Kipar Panayiotisa Papadopoulou, u Vijećnici 24.07.2018..

Predloženo je da se organiziraju posjete gradonačelnika dva grada kako bi se definirali pravci moguće saradnje. Zamjenik Trivić je rekao da će Grad Sarajevo uputiti pozivno pismo gradonačelniku Nikozije na obilježavanje 6. aprila - Dana grada Sarajeva 2019.

Također je bilo riječi o mogućnosti organiziranja razmjene studenata između Univerziteta u Sarajevu i kiparskih univerziteta.

Nastupna posjeta ambasadora Kraljevine Španije, Sarajevo, 07.08.2018.

Gradonačelnik Sarajeva Abdulah Skaka primio je u nastupnu posjetu novoimenovanog ambasadora Kraljevine Španije u BiH José María Valdemoro Giméneza, u Vijećnici 07.08.2018.

Gradonačelnik je poželio ambasadoru dobrodošlicu i uspješan mandat u BiH, te zahvalio Vladi i narodu Kraljevine Španije na donaciji u iznosu od milion eura za rekonstrukciju Vijećnice, kao i na ostalim mnogobrojnim vidovima pomoći u obnovi Sarajeva i BiH uopće.

Ambasador Gimenez je iskazao podršku Španije BiH u procesu euroatlantskih integracija. Razgovarano je o reformskim procesima BiH na tom putu kao i integraciji u NATO, te da su mir i stabilnost osnovni preduvjet za ekonomski i svaki drugi oblik razvoja zemlje.

Ambasador je izrazio zahvalnost vlastima BiH na podršci suverenitetu i teritorijalnom integritetu Kraljevine Španije.

Gradonačelnik Skaka je podsjetio na posebne odnose koje Sarajevo ima sa pobratimskim gradovima Barcelonom i Madridom.

Nastupna posjeta ambasadora Republike Poljske, Sarajevo, 28.09.2018.

Gradonačelnik Sarajeva Abdulah Skaka primio je u nastupnu posjetu ambasadora Republike Poljske Jaroslava Lindenberga, u Vijećnici 28.09.2018..

Gradonačelnik je upoznao ambasadora Lindenberga s trenutnim projektima Grada Sarajeva i planovima za buduće projekte u cilju boljeg funkcioniranja javnog saobraćaja, te planovima Grada Sarajeva da se pozicionira kao turistički centar regije. Istakao je da je Grad Sarajevo dosad sudjelovao u velikom broju EU projekata kao sufinansijer, te da bi bila jako značajna razmjena znanja i rad na zajedničkim projektima s partnerima iz Poljske.

Ambasador je istakao da postoji prostor za unapređenje saradnje između Poljske i BiH, te povezivanja s poljskim gradovima putem zajedničkih projekata.

Nastupna posjeta ambasadora Mađarske, Sarajevo, 03.10.2018.

Gradonačelnik Sarajeva Abdulah Skaka primio je u nastupnu posjetu Ambasadora Mađarske Krisztiana Pósa, u Vijećnici 03.10.2018.

Ambasador Pósa i gradonačelnik Skaka složili su se da su postojeći odnosi između BiH i Mađarske jako dobri, ali da postoji mogućnost za njihovo unapređenje u oblastima sporta, kulture i ekonomije, naročito kada je riječ o dva glavna grada Budimpešti i Sarajevu.

Ambasador Pósa je najavio da će prilikom susreta s gradonačelnikom Budimpešte Istavnom Tarlosom, nastojati dogovoriti posjetu gradonačelnika Sarajeva Budimpešti.

Gradonačelnik je izdvojio tri oblasti u kojima bi Grad Sarajevo i Grad Budimpešta mogli saradivati, i koje bi mogle biti teme budućeg sastanka s gradonačelnikom Budimpešte. Prva oblast je obnova i čišćenje fasada, u kojoj Grad Budimpešta ima veliko iskustvo koje bi bilo od velikog značaja za Grad Sarajevo, posebno kada je riječ o apliciranju na EU fondove. Druga oblast je iluminacija objekata – gradonačelnik je pozvao eksperte iz ove oblasti iz Grada Budimpešte da posjete Sarajevo i podijele svoja iskustva s kolegama iz Sarajeva. Treća oblast je saradnja kulturnih institucija. S tim u vezi, gradonačelnik je pozvao Budimpeštansku filharmoniju da priredi koncert u Vijećnici na Dan pobjede nad fašizmom 9. maja 2019., a Grad Sarajevo će preuzeti troškove njihovog boravka u Sarajevu. Ambasador Pósa je informirao gradonačelnika o namjeri Ambasade Mađarske da organizira Dane mađarske kulture koji će trajati oko dva mjeseca, a početak će na marginama Sarajevske zime u februaru 2019. te bi se u sklopu ove manifestacije mogao održati i koncert Budimpeštanske filharmonije 9. maja. Gradonačelnik je izrazio spremnost Grada Sarajeva da ustupi prostor u Vijećnici za održavanje izložbi ili sličnih kulturnih događaja u sklopu Dana mađarske kulture.

Nastupna posjeta ambasadora Države Katar, Sarajevo, 01.11.2018.

Gradonačelnik Sarajeva Abdulah Skaka primio je u nastupnu posjetu ambasadora Države Katar Sultana Al-Khatera, u Vijećnici 01.11.2018. Tokom susreta istaknuti su dobri prijateljski i bilateralni odnosi između naših dviju država i naroda. Razgovarano je o dosadašnjoj saradnji glavnih gradova, Sarajeva i Dohe, koji su potpisali Sporazum o bratimljenju u Dohi 19.02.2018.. Razgovarano je o spremnosti Katarskog investicijskog fonda za ulaganje u potencijalne zajedničke projekte u BiH. S tim u vezi, dogovoreno je da Grad Sarajevo pripremi pregled najznačajnijih infrastrukturnih projekata i dostavi ih Ambasadi Države Katar, koja će ih zatim prosljediti navedenom investicijskom fondu na razmatranje. Od značajnijih projekata, gradonačelnik je izdvojio organizaciju utrke Formule E koja će biti upriličena u Sarajevu u junu 2019., te predložio da Qatar Airways bude generalni pokrovitelj kao što je bio u Parizu i Londonu.

Prijem ambasadora R Austrije, Sarajevo, 05.11.2018.

Gradonačelnik Sarajeva Abdulah Skaka održao je sastanak u Vijećnici 05.11.2018. s ambasadorom R Austrije Martinom Pammerom i članovima organizacionog odbora (Balskog komiteta), Zinaidom Jamakosmanović i Vedranom Marčetom, na temu pripreme Austrijskog bala koji će se po treći put zaredom održati u sarajevskoj Vijećnici 08.06.2019. Ambasador Pammer je istakao da je u toku registracija udruženja „Austrijski bal u Sarajevu“. Zahvalio je na dosadašnjoj uspješnoj saradnji, te zamolio da Grad Sarajevo osigura Vijećnicu za ovaj značajan događaj, u periodu od 06. do 09.06.2019., kao i da u Budžetu za 2019. godinu planira finansijski doprinos u iznosu od 20.000,00 KM.

Nastupna posjeta zamjenice ambasadorice SAD, Sarajevo, 06.11.2018.

Gradonačelnik Sarajeva Abdulah Skaka primio je u nastupnu posjetu u Vijećnici 06.11.2018. zamjenicu ambasadora Sjedinjenih Američkih Država Ellen Germain, kojoj je poželio dobrodošlicu i uspješan mandat u BiH. Izrazio je uvjerenje u nastavak i intenziviranje saradnje Grada Sarajeva s Američkom ambasadom u narednom periodu.

Gradonačelnik je zamjenicu ambasadora upoznao s razvojnim gradskim projektima koje Grad trenutno vodi, odnosno planira realizirati u oblasti infrastrukture, obrazovanja, kulture, sporta. Posebno je istaknuo održavanje Europskog olimpijskog festivala mladih (EYOF) u februaru 2019. godine u organizaciji Grada Sarajeva i Istočnog Sarajeva.

Prijem ambasadorice SAD, Sarajevo, 16.11.2018.

Gradonačelnik Sarajeva Abdulah Skaka i ambasadorica Sjedinjenih Američkih Država Maureen E. Cormack susreli su se u Vijećnici 16.11.2018. Gradonačelnik je zahvalio Vladi Sjedinjenih Američkih Država za svu pomoć i podršku koju pružaju Sarajevu i BiH, posebno kad je riječ o deminiranju. Nakon sastanka, gradonačelnik Sarajeva i ambasadorica SAD obišli su Informativni centar o Međunarodnom krivičnom sudu za bivšu Jugoslaviju (MKSJ).

Diplomatski zimski bazar, Sarajevo, 01.12.2018.

Diplomatski zimski bazar održan je 01.12.2018. u dvorani "Mirza Delibašić" KSC Skenderija, gdje je oko 70 izlagača posjetiocima ponudilo primamljiva i egzotična jela i pića, razne proizvode, rukotvorine. Prihod od prodaje je namijenjen za pomoć djeci i mladima širom BiH. Pored zvaničnog štanda Grada Sarajeva, prezentiran je i štand nacionalnih manjina koje žive u Sarajevu.

Prijem zamjenice ambasadora Mađarske, Sarajevo, 05.12.2018.

Zamjenik gradonačelnika Sarajeva Ivica Šarić održao je u Vijećnici 05.12.2018. radni sastanak sa zamjenicom ambasadora Mađarske Agnes Angyal, na temu nastupa orkestra iz Mađarske u Vijećnici na Dan Europe 9. maja 2019. Ovim koncertom zvanično bi se završili dani mađarske kulture koji će se održavati u sklopu Sarajevske zime, a započet će 7. februara 2019. nastupom mađarskog folklornog ansambla. Izrazivši zadovoljstvo zbog spremnosti Grada Sarajeva da bude domaćin koncerta Budimpeštanske filharmonije na Dan Europe, gđa Angyal je istakla da će upoznati Grad Budimpeštu s tehničkim detaljima u vezi koncerta.

Oproštajna posjeta ambasadorice NR Kine, Sarajevo, 10.12.2018.

Gradonačelnik Sarajeva Abdulah Skaka primio je u oproštajnu posjetu ambasadoricu NR Kine Chen Bo, koja je izrazila zadovoljstvo rezultatima saradnje između Grada Sarajeva i Ambasade, te aktivnim učešćem Grada Sarajeva na događajima u sklopu inicijative 16+1. Gradonačelnik je čestitao ambasadorici na uspješnom mandatu koji je rezultirao i uvođenjem bezviznog režima za građane NR Kine i BiH, te istakao značaj jačanja veza između Sarajeva i pobratimskog grada Tijandina, posebno kada je riječ o promociji Sarajeva i BiH kao destinacije za kineske turiste čiji se broj značajno povećao u 2018. godini.

Nastupna posjeta otpravnika poslova Ambasade R Makedonije, Sarajevo, 20.12.2018.

Gradonačelnik Sarajeva Abdulah Skaka primio je u Vijećnici 20.12.2018. u nastupnu posjetu otpravnika poslova Republike Makedonije u BiH Riste Velkovskog koji je zahvalio na prijemu i istakao da Skopje i Sarajevo imaju mnogo sličnosti i da je ostvarena jako dobra saradnja između dva grada. Gradonačelnik je naglasio spremnost Grada Sarajeva da pošalje stručnjake iz komunalnih firmi kako bi razmijenili iskustva s kolegama iz Skopja. Također je naveo projekt doniranja replike Sebilja Gradu Skopju, koja bi mogla biti postavljena na ulazu u skopsku čaršiju.

Također je razgovarano o priznavanju dvojnog državljanstva između BiH i Makedonije s obzirom na brojnost makedonske dijaspeore u BiH, te o stupanju na snagu sporazuma o prelasku granice samo s ličnom kartom, te uvođenju direktne avionske linije Sarajevo-Skopje, što bi značajno doprinijelo povećanju broja turista.

Gradonačelnik je predložio da Skopska filharmonija održi koncert u Vijećnici 09.05.2020., a Grad Sarajevo bi snosio sve troškove vezane za smještaj i organizaciju koncerta u Vijećnici. Predložio je da se tom prilikom na repertoar Skopske filharmonije uvrsti nekoliko tradicionalnih bosanskih pjesma, te da otvaranju koncerta prisustvuje ambasador Makedonije u BiH. Razgovarano je o otvaranju informativnih punktova u Sarajevu i Skopju

Humanitarno veče s učesnicama Zimskog diplomatskog bazara, Sarajevo, 20.12.2018.

U organizaciji Grada Sarajeva, večera za ambasadorice, supruge ambasadora, predstavnice diplomatskog kora, poduzetnice te javne ličnosti koje su učestvovala u realizaciji Zimskog diplomatskog bazara 2018, održana je u Vijećnici 20.12.2018. domaćin je bila supruga gradonačelnika Sarajeva.

Večera je imala donatorski karakter, a prikupljeni novčani prilozu uručeni su porodicama u stanju socijalne potrebe.

V. Aktivnosti Grada Sarajeva u okviru međunarodnih asocijacija

Na osnovu člana 26. stav 1. tačka 2. i člana 87. Statuta Grada Sarajeva (Službene novine Kantona Sarajevo, broj 34/08 - prečišćeni tekst) Grad Sarajevo može pristupiti međunarodnim udruženjima lokalnih zajednica i saradivati s odgovarajućim lokalnim jedinicama drugih država, u skladu sa zakonom.

Odluku o pristupanju udruženjima, odnosno ostvarivanju saradnje iz navedenog stava donosi Gradsko vijeće.

Grad Sarajevo je član jedanaest međunarodnih asocijacija, od čega obavezu plaćanja članarina ima prema osam asocijacija, u iznosu od cca. 30.000,00 KM godišnje:

r/b	Asocijacija	Godina pristupanja	Godišnja članarina
1.	Unija glavnih gradova Centralne i Jugoistočne Europe (UCSEEC)	2001.	-
2.	Mreža zdravih gradova Svjetske zdravstvene organizacije (WHO)	2001.	3.500,00\$
3.	Mreža balkanskih gradova (BALCINET)	2002.	-
4.	Europska koalicija gradova protiv rasizma (ECCAR)	2004.	-
5.	Mreža „Gradonačelnici za mir“ (Mayors for Peace)	2004.	4.500,00¥
6.	Međunarodna asocijacija gradovi glasnici mira (IAPMC)	2005.	500,00€
7.	Mreža europskih gradova EUROCITIES	2005.	4.260,00€
8.	Svjetska unija olimpijskih gradova (UMVO)	2009.	5.000,00€
9.	Liga historijskih gradova (LHC)	2009.	100,00\$
10.	Europski gradovi i regije za kulturu LIKE	2012.	1.060,00€
11.	Mreža mediteranskih gradova <i>MedCities</i>	2016.	1.000,00€

SVJETSKA UNIJA OLIMPIJSKIH GRADOVA (UMVO)

Posjeta menadžera za olimpijsko nasljedstvo iz MOK, Sarajevo, 03.-07.12.2018.

Posredstvom Svjetske unije olimpijskih gradova (UMVO), organizirana je posjeta menadžerice za olimpijsko nasljedstvo iz Međunarodnog olimpijskog komiteta Aurelie Lemouzy Sarajevu, u periodu od 03. do 07.12.2018.

Cilj posjete bio je uvid u stanje olimpijskih objekata korištenih u vrijeme održavanja XIV ZOI '84, prikupljanje najnovijih informacija o olimpijskim borilištima, koje će poslužiti da se u vrijeme održavanja EYOF-a 2019 napravi nekoliko afirmativnih članaka o Sarajevu koji će se plasirati putem interneta.

U pratnji višeg stručnog saradnika u Gradskoj službi za obrazovanje, kulturu, sport i mlade Nedžada Fazlije, Lemouzy je obišla olimpijska borilišta koja su se koristila u vrijeme ZOI '84: Bjelašnicu, Igmanu, Jahorinu i Trebević, gdje je od predstavnika KJP ZOI '84, Olimpijskog centra Jahorina, te predsjednika Sankaškog saveza BiH i selektora sankaske reprezentacije BiH, dobila informacije o postojećim sadržajima, objektima i planovima.

Lemouzy je obišla i Olimpijski stadion Koševo, Olimpijsku dvoranu Zetra, pistu za brzo klizanje, Olimpijski komitet BiH, Olimpijski muzej u OK BiH, KSC Skenderiju, olimpijsko selo Mojnilo i Sportsku dvoranu Mojnilo - Ramiz Salčin. Zadnji dan posjete održan je

sastanak s rukovodstvom KJP ZOI '84 koje je gošću upoznalo sa svim problemima i planovima tog preduzeća, te pripremama za EYOF 2019.

Tokom razgovora s firmama koje upravljaju objektima, u prvom redu OC Jahorina i KJP ZOI '84, Lemouzy je naglasila da se olimpijski krugovi, pahuljica i Vučko, koji su se koristili u vrijeme ZOI '84, po Olimpijskoj povelji ne smiju koristiti bez odobrenja Međunarodnog olimpijskog komiteta i Olimpijskog komiteta BiH. Također, vezano za ceremoniju paljenja olimpijskog plamena na Stadionu Koševo, u razgovoru s predstavnikom Centra za sport i rekreaciju, naglasila je da paljenje olimpijskog plamena nije dozvoljeno bez odobrenja Međunarodnog olimpijskog komiteta.

MEĐUNARODNA ASOCIJACIJA GRADOVI GLASNICI MIRA (IAPMC)

29. Generalna skupština Međunarodne asocijacije “Gradovi glasnici mira” (IAPMC), Volgograd (Ruska Federacija), 29.10. - 02.11.2018.

Redovna sjednica Izvršnog odbora i 29. Generalne skupštine Međunarodne asocijacije “Gradovi glasnici mira” (IAPMC), održana je u Volgogradu od 30.09. do 01.11.2018. Pored predstavnika Volgograda i gradova iz Rusije, skupu su prisustvovala delegacije iz 20 zemalja svijeta, a u ime gradonačelnika Sarajeva prisustvovala je šefica Odsjeka za stručne poslove u Gradskoj službi za Gradsko vijeće Mirjana Đanović Stanić.

Sjednica Izvršnog odbora IAPMC održana je u cilju pripreme Generalne skupštine i zajedničkog rada IAPMC, te Foruma diplomacije građana koji se svake godine održava u Volgogradu.

Forum diplomacije građana “Dijalog na Volgi: Mir i međusobno razumijevanje u 21. stoljeću” otvoren je plenarnim skupom održanim 31. oktobra. Prva plenarna diskusija vođena je na temu “Globalna politika u godinama nestabilnosti“, a u okviru druge diskusije na temu “Gradovi kao glasnici mira - mirovna prakse lokalnih zajednica“ Đanović Stanić je predstavila mirovnu misiju Muzeja ratnog djetinjstva iz Sarajeva.

U okviru održavanja 29. Generalne skupštine, Grad Sarajevo je pozvao članove Asocijacije da se odazovu pozivu za učešće na jubilarnoj i izbornoj 30. Generalnoj skupštini koja će se održati u Sarajevu 21. do 24.09.2019., te je i službeno najavio kandidaturu za člana Predsjedništva Asocijacije za izbore koji će se održati na toj skupštini.

Grad Sarajevo je sudjelovao i u radu Okruglog stola pod nazivom „Unaprjeđenje grada - Jačanje kvalitete života: Razvoj gradova kao mirotvorni proces“, s prezentacijom dva aktualna projekta koja doprinose procesu pomirenja u postkonfliktnom društvu i to: EYOF 2019 i obnova Sarajevske žičare.

VI. Ostale aktivnosti na planu međunarodne saradnje

Prijem direktora Fondacije Konrad-Adenauer, Sarajevo, 22.01.2018.

Gradonačelnik Sarajeva Abdulah Skaka primio je u Vijećnici direktora predstavništva Fondacije Konrad-Adenauer u BiH dr. Karstena Dümmela, u čijoj organizaciji je održana međureligijska konferencija u Sarajevu, od 26. do 29.07.2018..

Gradonačelnik Skaka je pozdravio organizaciju ovog događaja i istakao značaj aktivnosti koje Fondacija Konrad-Adenauer provodi u BiH, a koje za cilj imaju izgradnju dijaloga i povjerenja i kreiranje boljih uslova života za građane. Gradonačelnik je izrazio interes Grada Sarajeva da bude sponzor ovog događaja.

Dümmel je pozvao Grad Sarajevo da aplicira na neke od projekata Fondacije Konrad-Adenauer.

Manifestacija „Dani kulture Irana“, Sarajevo, 05.- 07.02.2018.

Manifestacija „Dani kulture Irana“ otvorena je koncertom tradicionalne iranske muzike u Vijećnici 05.02.2018.. U prisustvu velikog broja gostiju i zvaničnika, ministra civilnih poslova BiH Adila Osmanovića, zamjenika gradonačelnika Sarajeva Milana Trivića, te ambasadora IR Iran u BiH Mahmouda Heidarija, posjetioци su uživali u koncertu grupe “Mani” koja njeguje tradicionalnu iransku muziku.

Ovaj kulturni događaj organizirao je Kulturni centar Ambasade IR Iran u saradnji s predstavnicima državnih i kulturnih institucija BiH i Irana, te Gradom Sarajevom. “Dani kulture Irana” održani su u Vijećnici i na drugim lokacijama u glavnom gradu BiH do 7. februara, a u Banja Luci od 8. do 11. februara.

Posjetitelji su mogli pogledati i izložbu iranskog drvoreza umjetnika Omida Šejhbagloa, zatim izložbu kaligrafskih radova Sejeda Abulkasima Beheštije, te minijatura Rahima Čarhia. U fokusu ovogodišnjih “Dana kulture Irana” je grad Tabriz koji je proglašen gradom kulture i turizma za 2018. godinu.

Saradnja Muzeja Grada Skoplja i Zemaljskog muzeja BiH, 07.02.2018.

Posredstvom Grada Skoplja, Muzej Grada Skoplja je izrazio želju da tokom 2018. postavi izložbu arheoloških artefakta pod nazivom "Skopska tvrđava - simbol grada/arheološka istraživanja 1967. godine", u Zemaljskom muzeju ili u Muzeju grada Sarajeva.

S tim u vezi, Zemaljski muzej BiH i Muzej Grada Skoplja sklopili su *Ugovor o muzejskoj saradnji*, 04.05.2018., a izložba na kojoj je predstavljeno 110 predmeta s arheoloških istraživanja na Skopskoj tvrđavi 1967, bizantske i osmanske provenijencije, te predmeti vezani za život crkve 12. stoljeća, bila je otvorena u Zemaljskom muzeju BiH 22.06.2018..

Prijem zamjenika premijera i MVP Gruzije, Sarajevo, 06.03.2018.

Gradonačelnik Sarajeva Abdulah Skaka poželio je dobrodošlicu u Sarajevo i BiH zamjeniku premijera i ministru vanjskih poslova Gruzije Mikheilju Janelidzeu prilikom prijema u Vijećnici 06.03.2018.

Gradonačelnik Sarajeva je ukazao na geostrateški položaj i značaj BiH za cijeli region, te na nastojanje da BiH postane regionalni centar i pomirujući faktor u regionu.

Sagovornici su istakli veliku sličnost između glavnih gradova Gruzije i BiH, Sarajeva i Tbilisija, naročito kada je riječ o multikulturalnosti.

Složili su se da se bilateralni odnosi dviju prijateljskih zemalja mogu dodatno unaprijediti uspostavljanjem saradnje dva grada, razmjenom iskustava u oblastima od obostranog interesa, poput urbanog razvoja, urbanog transporta i turizma.

Istaknute su mogućnosti saradnje u okviru projekta „Digitalni gradovi“ koji predstavlja platformu za razvijanje odnosa u različitim oblastima, kao i saradnja u okviru projekta „Pametni gradovi“. Gradonačelnik je predložio potpisivanje *Sporazuma o saradnji* koji će doprinijeti boljem razvoju odnosa. Razgovarano je o zajedničkom cilju dviju država koji se ogleda u europskim integracijama i podršci europskim vrijednostima, razmjeni iskustava i izazovima koji se pred njima nalaze u tom procesu.

Prijem delegacije japanske NVO IPIL IPIL no KAI, Sarajevo, 12.04.2018.

Gradonačelnik Sarajeva Abdulah Skaka primio je delegaciju japanske NVO „Ipil Ipil no Kai“ koji su boravili su u Sarajevu kako bi posjetili sadnice SAKURE (japanske trešnje - simbola mira) u JKP PARK, te na mjestima gdje su posađene u Sarajevu.

Ipil Ipil no Kai tokom svake sezone cvjetanja japanske trešnje raspisuje natjecanje učenika sarajevskih osnovnih škola u crtanju. Tema likovnog konkursa za 2018. godinu bila je *Nasmiješeno lice*. Ipil-IPil no Kai pripremila je zahvalnice za svako dijete koje je dobilo nagradu, a radovi nagrađenih učenika izloženi su u 11 japanskih gradova.

Posjeta Sljemenu, Zagreb (R Hrvatska), 18. – 20.04.2018

U ime Grada Sarajeva, Salko Nikšić, angažiran po ugovoru o djelu, posjetio je Sljeme, vrh planine Medvednica kod Zagreba, u cilju utvrđivanja realizacije i izgradnje ski staze na Trebeviću.

Posjeta Formula E Operations Ltd., London (Velika Britanija), 18. – 20.04.2018.

Gradonačelnik Abdulah Skaka, savjetnik gradonačelnika Ensar Eminović i Jasmin Bučo, angažovan po ugovoru o djelu, boravili su u Londonu u cilju razmatranja mogućnosti za kandidaturu Sarajeva za domaćina utrke Formule E 2020. godine.

Gostovanje Narodnog pozorišta Sarajevo u Skoplju, 05.06.2018.

Gostovanje Narodnog pozorišta Sarajevo u Skoplju na festivalu *Majske operne večeri* je realizirano u okviru *Sporazuma o saradnji* gradova Sarajevo i Skoplje, a glavni grad BiH podržao je odlazak bh. umjetnika na ovu reprezentativnu umjetničku smotru. Tim povodom u Vijećnici je 05.06.2018. upriličeno potpisivanje ugovora između gradonačelnika Sarajeva Abdulaha Skake i direktorice Narodnog pozorišta Marijele Hašimbegović.

Narodno pozorište Sarajevo se na ovom festivalu predstavilo operom *Zmaj od Bosne* autora Asima Horozića, u čijoj izvedbi su učestvovali Sarajevska filharmonija, hor Opere Narodnog pozorište.

Prijem generalnog sekretara Zajednice Sant' Egidio, Sarajevo, 14.06.2018.

Gradonačelnik Sarajeva Abdulah Skaka primio generalnog sekretara Zajednice Sant' Egidio Alberta Quattruccija, koji je upoznao gradonačelnika s dosadašnjim aktivnostima Zajednice Sant Egidio, te posebno istaknuo *Međunarodnu konferenciju „Naša je budućnost živjeti zajedno“* održanu u Sarajevu 11.09.2012. godine, na kojoj je prisustvovalo stotinjak vjerskih poglavara svih konfesija.

Quattrucci je gradonačelniku uručio pozivnicu za 32. međunarodnu konferenciju Mostovi mira, Bolonja, 14. - 16.10.2018..

Obuka uposlenika Informativnog centra, Hag, Kraljevina Holandija, 25.06.-26.06.2018.

Predstavnice Grada Sarajeva Mila Eminović, šefica Odsjeka za Informativni centar Sarajevo (ICS), Ismena Čaušević, stručna saradnica za informisanje javnosti o aktivnostima ICS i Azra Kurtagić, angažirana po ugovoru o djelu, u periodu 25.06.-26.06.2018. pohađale su obuku za rad na *online* bazama podataka Međunarodnog krivičnog suda za bivšu Jugoslaviju.

Predstava Hasanaginica, Ljubljana (R Slovenija), 05.07.2018.

Gradonačelnik Sarajeva i zamjenik gradonačelnika Ivica Šarić, prisustvovali su predstavi Hasanaginica, održanoj u Ljubljani, 05.07.2018. godine.

Prijem delegacije Mehanizma za međunarodne krivične sudove, Sarajevo, 11.07.2018.

Zamjenik gradonačelnika Milan Trivić primio je delegaciju Mehanizma za međunarodne krivične sudove predvođenu registrarom Olufemijem Eliasom. Tokom susreta razgovaralo se o budućim modalitetima saradnje s ciljem promicanja i funkcionisanja Informativnog centra o MKSJ u Sarajevu koji je zvanično otvoren 23.05.2018.. Zamjenik gradonačelnika Trivić upoznao je delegaciju o poduzetim aktivnostima Centra. Posebno je istaknuo uspostavljenu saradnju s Pravnim fakultetom UNSA, koja će studentima i pravnim stručnjacima omogućiti da u Informativnom centru smještenom u Vijećnici, koriste Hašku arhivu dostupnu putem online baze, kao i autentičnu sudnicu u praktičnoj nastavi. Registrar Mehanizma Olufemi pohvalio je zalaganje gradske administracije i ostvarene rezultate na formiranju Centra. Poručio je da će Mehanizam uložiti napore i kroz pismena obraćanja tražiti finansijsku i drugi vid materijalne podrške za rad Centra, shodno potpisanom Memorandumu o razumijevanju.

Informativni centar o MKSJ Sarajevo ugostio međunarodnu školu prava, Sarajevo, 23.07.2018.

U prostorijama Informativnog centra o Međunarodnom krivičnom sudu za bivšu Jugoslavije MKSJ Sarajevo, dana 23.07.2018., održano je predavanje za 26 inostranih studenata-polaznika međunarodne ljetne škole prava pod nazivom "Uloga tranzicione pravde u obnovi ljudskih prava i vladavine prava u postkonfliktnim društvima".

Škola se realizuje u sklopu saradnje koju je Grad Sarajevo uspostavio sa sarajevskim Pravnim fakultetom potpisivanjem Memoranduma u junu ove godine.

Europski dani u Mađarskoj, 25. – 28.07.2018., Szodliget (Mađarska)

U okviru projekta Europski dani u Mađarskoj, završnom događaju, u ime Grada Sarajeva, prisustvovali su Mustafa Handžić, stručni saradnik za turizam i javno-privatno partnerstvo i Elvir Nišić, stručni saradnik za pitanja mladih, održanom u Szodligetu, 25.-28.07.2019..

Međunarodni zvaničnici u posjeti Informativnom centru o MKSJ Sarajevo, Sarajevo, 27.07.2018.

Ambasador Republike Češke u BiH Jakub Skalnik, ambasador Kraljevine Holandije Reinout Caspar Vos, direktor Fondacije Konrad Adenauer Stiftung Karsten Dümmler i direktor Programa vladavine prava za jugoistočnu Europu Fondacije Konrad Adenauer Stiftung Hartmut Rank, posjetili su Informativni centar o Međunarodnom krivičnom sudu za bivšu Jugoslaviju (MKSJ) Sarajevo u Vijećnici 27.07.2018..

Ivo Komšić, predsjednik Savjeta gradonačelnika za Informativni centar koji djeluje u sklopu Grada Sarajeva, međunarodne zvaničnike je upoznao s radom Centra, arhivom Haškog tribunala koja će se koristiti za realizaciju budućih projekata kroz saradnju sa sarajevskim univerzitetima, te na taj način otvoriti interdisciplinarnu studiju.

Međunarodni zvaničnici su istakli značajnu ulogu osnivanjem Centra, te iskazali zadovoljstvo napretkom do sada poduzetih aktivnosti, s uvjerenjem u saradnju na budućim projektima.

Prijem gradskog vijećnika Grada Doncastera (Velika Britanija), Sarajevo, 11.08.2018.

Savjetnik gradonačelnika za međunarodnu saradnju i europske integracije Ensar Eminović, sastao se s gradskim vijećnikom britanskog Grada Doncastera Majidom Khanom, koji je u Sarajevu boravio povodom održavanja 24. Sarajevo film festivala. Tokom susreta, Khan je izrazio interes za saradnju u oblasti filmske industrije.

Prijem komandanta EUFOR-a, Sarajevo, 14.08.2018.

Gradonačelnik Sarajeva Abdulah Skaka prilikom prijema generalmajora Martina Dorfera, komandanta europskih vojnih snaga u BiH (EUFOR), istaknuo je kako vojna misija Europske unije u BiH značajno doprinosi stabilizaciji i progresu. Sagovornici su izrazili nadu da će odnosi zadržati visok nivo i u narednom periodu.

Komandant Dorfer ponudio je podršku EUFOR-a u projektima i aktivnostima koje Grad Sarajevo trenutno provodi, te je gradonačelnik istakao da bi podrška EUFOR-a u edukaciji službe za spašavanje Trebevičke žičare bila vrlo značajna.

Posjeta Informativnom centru Sarajevo, šefa Misije OSCE, Sarajevo, 04.09.2018.

Predsjednik Savjeta gradonačelnika za Informativni centar o MKSJ Sarajevo Ivo Komšić, primio je u Vijećnici ambasadora Brucea G. Bertona, šefa Misije OSCE-a u BiH. Prijemu je prisustvovala i Rosalynd Roberts, pravna savjetnica za pitanja ratnih zločina i vladavine prava pri OSCE-u.

Komšić je ambasadora Bertona upoznao s dosadašnjim radom i budućim planovima Informativnog centra. Istaknuo je edukativnu ulogu Centra za akademsko istraživanje ratnih

zločina s pravnog, historijskog, sociološkog, filozofskog, politološkog i psihološkog aspekta kao što to danas ima Nirnberška akademija.

Ambasador Berton je istaknuo značajnu ulogu Centra, te iskazao zadovoljstvo napretkom do sada poduzetih aktivnosti Informativnog centra o MKSJ Sarajevo.

Po završetku prijema u Centru, gosti su obišli stalnu izložbenu postavku pod nazivom „Opsada Sarajeva kroz presude MKSJ“, autentičnu sudnicu Haškog tribunala i upisali se u knjigu utisaka.

Inauguracija monumentalnog djela Michelangela Pistoletta, Sarajevo, 21.09.2018.

Povodom inauguracije monumentalnog djela “Mjesto multireligijske i svjetovne meditacije” jednog od najvećih živućih protagonista svjetske savremene umjetnosti Michelangela Pistoletta, održana je press konferencija 21.09.2018.

Novinarima su se obratili gradonačelnik Sarajeva Abdulah Skaka, ambasador R Italije Nikola Minasi, osnivač i direktor Projekta ARS AEVI Enver Hadžiomerspahić i direktorica Historijskog muzeja Elma Hašimbegović.

Maestro Pistoletto je tokom prošlogodišnje posjete Sarajevu iskazao želju da Sarajevu trajno uruči jedan od svojih najvažnijih radova.

Uz Grad Sarajevo, Ambasadu Italije u BiH, ARS AEVI i Historijski muzej BiH, inauguraciju djela maestra Pistoletta podržali su i Ministarstvo civilnih poslova BiH, Federacija BiH, Kanton Sarajevo i UNESCO.

Inauguracija stalne postavke djela Pistoletta u Historijskom muzeju BiH održana je 26.09.2018. nakon čega je premijerno prikazan dokumentarni film “Pistoletto u Sarajevu” režisera iz Srebrenice Ade Hasanovića, koji je snimao posjetu maestra Pistoletta bh. prijestolnici 2017. godine.

Prijem ministra u Uredu premijera Malezije, Sarajevo, 26.09.2018.

Gradonačelnik Sarajeva Abdulah Skaka primio je delegaciju Malezije, predvođenu ministrom u uredu premijera Mujahidom Yusofom Rawom, u Vijećnici 26.09.2018..

Ovom prilikom gradonačelnik Skaka je podsjetio na značaj dosadašnjih prijateljskih odnosa Grada Sarajeva s Malezijom, naglasivši kako se saradnja treba intenzivirati, pogotovo u oblasti turizma. Ističući bogate prirodne i turističke potencijale Sarajeva, sagovornici su se složili o postojanju dobrih pretpostavki za promociju Sarajeva kao značajne turističke destinacije s ciljem povećanja broja turista iz Malezije.

Prijem delegacije Donje Šleske (Republika Poljska), Sarajevo, 29.08.2018.

Zamjenik gradonačelnika Sarajeva Milan Trivić primio je u Vijećnici delegaciju regionalnog Parlamenta Donje Šleske iz Poljske koja je boravila u trodnevnoj službenoj posjeti BiH.

Tokom susreta razgovarano je o jačanju veza i uspostavljanju poslovnih konkretnih kontakata i saradnje na obostranu korist u oblasti regionalnog razvoja, privrede, urbanog planiranja, edukacije, kulture.

Potpisan ugovor s Vijećem Europe - grant nacionalne manjine, Brčko, 25.-27.09.2018.

Pomoćnica gradonačelnika za lokalnu samoupravu i razvoj grada Dragana Solaković i pomoćnica gradonačelnika za obrazovanje, kulturu, sport i mlade Amina Deljković, prisustvovala su ceremoniji potpisivanja dodjele grantova projekta „Jačanje zaštite nacionalnih manjina u BiH“, održanoj u Brčkom 26.09.2018.

Ovim projektom finansiranim od strane EU i Vijeća Europe, obuhvaćeni su Prnjavor, Prijedor, Sarajevo, Tuzla i Brčko distrikt BiH i za svako područje izdvojeno je oko 10 hiljada eura. Projekat je počeo polovinom maja 2018., a završava se krajem aprila 2019. Navedene lokalne zajednice ga realiziraju u saradnji s Ministarstvom za ljudska prava i izbjeglice BiH.

Obilježavanje 25 godina Bošnjačkog sabora, Novi Pazar (R Srbija), 28.09.2018.

Zamjenica predsjedavajućeg Gradskog vijeća Grada Sarajeva Edina Gabela, prisustvovala je obilježavanju 25 godina od održavanja Bošnjačkog sabora, koje je u organizaciji Bošnjačkog nacionalnog vijeća održano u Novom Pazaru 28.09.2018..

Prijem učenika Srednje ekonomske škole iz Novog Pazara, Sarajevo, 01.10.2018.

Učenike Srednje ekonomske škole iz Novog Pazara, koji su u Sarajevu boravili kao gosti Srednje ekonomske škole iz Sarajeva, primila je pomoćnica gradonačelnika za obrazovanje, kulturu, sport i mlade Amina Deljković, u Vijećnici 01.10.2018. Nakon prijema, delegacija je obišla Vijećnicu.

Memorandum o razumijevanju između Grada Sarajeva i američke organizacije Marshall Legacy Institute, Washington (SAD), 21.-26.10.2018.

Gradonačelnik Sarajeva Abdulah Skaka i general Gordon Sullivan, potpisali su u Washingtonu 24.10.2018., *Memorandum o razumijevanju između Grada Sarajeva i američke organizacije Marshall Legacy Institute (MLI)* kojim će se omogućiti potpuno deminiranje glavnog grada Bosne i Hercegovine do 2020.

Domaćini gradonačelniku Sarajeva bili su general Sullivan, predsjednik i osnivač MLI, te Perry Baltimore, predsjednik i izvršni direktor organizacije koja već 20 godina pomaže Bosni i Hercegovini.

Povodom potpisivanja Memoranduma Abdulah Skaka je istakao da je Sarajevo bez mina do 2020. cilj, te iskazao uvjerenje da će se u saradnji s Marshall Legacy Institutom to i postići.

Gradonačelnik je najavio inicijativu, predvođenu Marshall Legacy Institutom u partnerstvu s Gradom Sarajevom, Centrom za obuku pasa minotragača i International trust fondom Unapređenje sigurnosti ljudi, čiji je cilj očistiti Sarajevo i susjedne općine od mina do septembra 2020., prije obilježavanja 25. godišnjice agresije na Bosnu i Hercegovinu.

Potpisani Memorandum precizira i saradnju Grada sa susjednim općinama u realizaciji deminerskih projekata. Marshall Legacy Institut je, tokom proteklih godina donirao desetine pasa minotragača lokalnim deminerskim organizacijama.

U pratnji gradonačelnika bili su zamjenik gradonačelnika Ivica Šarić i savjetnik gradonačelnika za međunarodnu saradnju i EU integracije Ensar Eminović.

Sastanak s predstavnicima ETH Instituta, Švicarske ambasade, Univerziteta Sarajevo i Matice BiH, Sarajevo, 30.10.2018.

Švicarski Politehnički Univerzitet (ETH) priprema implementaciju Projekta urbane transformacije Sarajeva (Reactivate Sarajevo), koji će biti finansiran sredstvima Vlade Švicarske, preko Sekretarijata za ekonomske poslove (SECO).

Predstavnice Grada Sarajeva, Amina Gačanović, stručna savjetnica za prostorno uređenje i investicije, Alma Rešo, stručna saradnica za energetska efikasnost i Azra Kurtagić, angažirana po ugovoru o djelu, održale su sastanak s predstavnicima ETH Instituta, Švicarske ambasade, Univerziteta Sarajevo i Matice BiH u Vijećnici 30.10.2018. Tema sastanka bio je 8. Mini ekonomski forum, planiran od 29.11. do 01.12.2018. godine u Cirihi.

Utvrđeno je da bi teme za diskusiju s Gradom Sarajevom bile: *Specijalne ekonomske zone i Digitalizacija*, a s tim u vezi potrebno je da Grad Sarajevo, u saradnji s Kantonom Sarajevo, odredi delegaciju sačinjenu od stručnih lica iz oblasti koje bi se detektovale kao najveći prioriteta za diskusiju. Nakon ovog Foruma planirana je slična radionica u Sarajevu koju bi organizovao Grad Sarajevo i ugostio stručnjake iz Ciriha. Po završetku radionica, Grad Sarajevo bi trebao obezbijediti prostorije za City lab gdje bi na jednom mjestu stručnjaci iz Ciriha vršili transfer znanja domaćim stručnjacima iz oblasti urbanog razvoja. Također, Grad Sarajevo bi trebao omogućiti izradu idejnog projekta urbanog razvoja jedne gradske cjeline (Marijin Dvor), kao i revitalizaciju jednog historijskog objekta (Historijski muzej). Nakon toga, u saradnji s Ambasadam Švicarske u BiH potrebno je omogućiti političku i tehničku podršku za zajednički projekat s Istočnim Sarajevom. Obzirom da je tokom sastanka naglašeno da je većina ovih nadležnosti na kantonalnom nivou, te da bi nadležno ministarstvo bilo prava adresa za razgovor na ovu temu, od Grada je zahtijevano da bude medijator u tom procesu, te da organizuje sastanke s predstavnicima svih nadležnih institucija u Kantonu.

Prijem grupe japanskih umjetnika, Sarajevo, 07.11.2018.

Zamjenik gradonačelnika Milan Trivić pozdravio Grupu japanskih umjetnika, članova Asocijacije "WA Project TAISHI", čija je misija promoviranje tolerancije, harmonije i mira putem japanske tradicionalne kulturne baštine, boravila je u glavnom gradu BiH. Umjetnici su u Vijećnici izveli performans u sklopu kojeg su prezentirali kaligrafiju, japanski ples, te muziku na specifičnom japanskom duvačkom instrumentu.

Promocija Sarajeva kao novogodišnjeg centra regije, 19.-26.11.2018.

U cilju predstavljanja turističke ponude glavnog grada BiH, te posebno dočeka Nove godine u Sarajevu, na otvorenom, Grad Sarajevo je zajedno s Turističkom zajednicom Kantona Sarajevo, u periodu od 19. do 26.11.2018. realizirao je promotivnu turneju u osam regionalnih centara: Ljubljani, Zagrebu, Beogradu, Skoplju, Podgorici, Novom Pazaru, Dubrovniku i Splitu.

Prijem delegacije Kongresa lokalnih i regionalnih vlasti VE, Sarajevo, 20.11.2018.

Delegacija Kongresa lokalnih i regionalnih vlasti Vijeća Europe boravila je u Sarajevu povodom sačinjavanja izvještaja o stanju lokalne i regionalne demokratije u zemljama članicama Vijeća Europe, na temelju principa Europske povelje o lokalnoj samoupravi, koju

je BiH ratificirala 2002. Delegacija je održala sastanak sa zamjenikom gradonačelnika Milanom Trivićem i pomoćnikom gradonačelnika za lokalnu samoupravu i razvoj grada Draganom Solaković, na kojem je razgovarano o temama u vezi funkcioniranja lokalne samouprave u BiH.

Predavanje sudije Theodora Merona, Sarajevo, 21.11.2018.

Sudija Theodor Meron, predsjednik Međunarodnog rezidualnog mehanizma za krivične sudove, održao je predavanje na temu „Mehanizam kao novi model međunarodnog krivičnog tribunala“ u prisustvu predstavnika vlasti, pravosuđa, stručne i akademske zajednice, međunarodnih organizacija i udruženja, u Vijećnici 21.11.2018.

U ime domaćina Grada Sarajeva, u sklopu kojeg od 23.05.2018. djeluje Informativni centar o Međunarodnom krivičnom sudu za bivšu Jugoslaviju (MKSJ) Sarajevo, eminentni skup je pozdravio gradonačelnik Abdulah Skaka istakavši da uspostavljanjem Centra Grad Sarajevo želi dati konkretan doprinos suočavanju s prošlošću, izgradnji mira i pomirenja.

U svom obraćanju sudija Meron se zahvalio gradonačelniku Skaki i predsjedniku Savjeta gradonačelnika za Informativni centar o MKSJ Sarajevo Ivi Komšiću na uspostavljanju ove institucije. Kazao je da je cilj da se pomogne da se sačuva i podijeli naslijeđe Međunarodnog suda, da se stvori prostor, ovdje, u središtu zajednica kojih se njegov rad najviše ticao, gdje studenti i profesori, roditelji i djeca, kao i buduće generacije - svi mogu doći i nešto naučiti o radu ovog pionirskog Međunarodnog suda i, u širem smislu, mogu proučavati i promišljati lekcije prošlosti i razmatrati, radi budućnosti, šta nam pravda i pozivanje na odgovornost znače kao pojedincima i kao pripadnicima lokalnih, nacionalnih i globalnih zajednica.

Radionica za inovatore, sanjare, naprednjake, aktere transformativnih promjena u gradovima, Maribor (R Slovenija), 21.-23.11.2018.

Na poziv Climate-KIC-a, Europske zajednice tehnologija i inovacije “Radionici za inovatore, sanjare, naprednjake, aktere transformativnih promjena u gradovima”, održanoj u Mariboru od 21. do 23.11.2018., u ime Grada Sarajeva prisustvovala je Lejla Bešlagić, angažirana po ugovoru o djelu. U okviru radionice, koju su u saradnji s Općinom Maribor vodili predstavnici Climate-KIC-a i UNDP-a, dogovoren je nastavak saradnje s Europskom zajednicom tehnologija i inovacije, kroz učešće u projektu “Sarajevo Smart Initiative”, gdje će predstavnici ove organizacije održati jednodnevnu radionicu sa članovima “City Mind Lab-a”. Pored Grada Sarajeva, događaju su prisustvovali i predstavnici Maribora (Slovenija), Križevca (Hrvatska), Kragujevca (Srbija), Rige (Latvija), Budimpešte (Mađarska), UNDP-a u BiH i Austrijske organizacije za urbanu transformaciju.

Radionica „Transformacija urbanih cjelina“ za pripremu aplikacije za projekat H2020 SC5-20-2019, Minhen (SR Njemačka), 26.-27.11.2018.

U ime Grada Sarajeva, na Radionici je učestvovala Azra Kurtagić, stručna saradnica za saradnju s vjerskim zajednicama i NVO i doc. dr. Nermina Zagora, dipl. ing. arh., UNSA, angažirana po ugovoru o djelu, te Muamer Babajić, Fondacija FITT, Masterwerk, , Jasmina Numanović-Stjepanović, Fondacija FITT, Masterwerk; Predstavnici Strascheg Center for Entrepreneurship, Bavarian Research Alliance; Predstavnici radnog tima Amsterdama i Soluna. U prostorijama Grada Minhena, održane su prezentacije prijedloga projekata za odabrana urbana područja gradova Minhena, Amsterdama, Soluna, Tel Aviva i Sarajeva.

Projektni prijedlog Grada Sarajeva, Univerziteta u Sarajevu i Fondacije FITT, Tuzla, podrazumijeva revitalizaciju i konverziju tri historijska objekta u južnoj zoni Kampusa UNSA za namjenu Centra za inovaciju, poduzetništvo i kreativnost. Za pripremu i prezentaciju tekstualne i grafičke urbanističko-arhitektonske analize predmetne lokacije i objekata, u ime radnog tima iz Sarajeva bila je zadužena doc. dr. Nermina Zagora.

Prilikom diskusije vezano za planiranje budžeta (koji iznosi 8 mil. EUR za cijeli projekat), istaknuto je da se sredstva trebaju raspodijeliti na nivou svih članova Konzorcijuma. Sredstva su namijenjena organizacionim aktivnostima, ali ne i za obnovu objekata, te je članovima radnog tima projektnog prijedloga Kampus UNSA sugerisano da pripreme finansijski plan, kao i da je za obnovu enterijera predmetnih objekata potrebno obezbijediti dodatno finansiranje.

Radionica Bi - City, Ciriha (Švicarska Konfederacija), 29.11.-01.12.2018.

8. Mini ekonomski forum Matice BiH i Bi-City Workshop pod nazivom Urban Transformation Sarajevo, održan je od 29.11. do 01.12.2018. na ETH Zürich, najeminentnijem europskom tehničkom institute.

Događaju su prisustvovali predstavnici Grada Ciriha, ETH Zürich, Matice BiH, SECO, Zavoda za planiranje razvoja Kantona Sarajevo, Arhitektonskog fakulteta Sarajevo - Instituta za arhitekturu, urbanizam i prostorno planiranje, Mašinskog fakulteta Sarajevo i Internacionalnog univerziteta Sarajevo, a u ime Grada Sarajevo Semir Mušinović, stručni savjetnik za prostorno uređenje i investicijske poslove. Domaći i švicarski partneri su se okupili i razgovarali na temu digitalizacije, tehnološkog razvoja i uspostave pametnih, održivih i inkluzivnih gradova. Skupovi su rezultirali zaključcima da se pored uzajamne razmjene ekspertize i znanja, identificiraju konkretni izvedbeni projekti, kao baza buduće višegodišnje saradnje, a sve s ciljem stvaranja buduće digitalne urbane strateške vizije Grada Sarajeva te inovativnih pilot projekata iz oblasti integralnog urbanizma i arhitekture (žičare kao javni saobraćaj, mobilnost, muzeji i javni objekti kulture, stanovanje, kampusi itd.) u skladu s prioritetima Grada i Kantona, uz participaciju stručnjaka i građana.

Memorandum o razumijevanju između Grada Sarajeva, Grada Ciriha, Švicarskog državnog Instituta za tehnologiju (ETH Zürich) i Matice BiH, potpisan je u Cirihi u decembru 2017..

Sarajevo dobilo podršku za organizaciju utrke Formule E 2020. godine, 29.11.2018.

Grad Sarajevo je dobio veliku podršku najboljeg tima Formule E i najboljeg vozača na svijetu u kandidaturi za domaćina utrke Formule E 2020. godine.

U Alta Shopping centru, dana 29.11.2018., održana je press konferencija na kojoj su vozač Techeetah tima Jean Eric Vergne i direktor tima Edmund Chu, dali svoju podršku gradonačelniku Sarajeva Abdulahu Skaki i inicijatoru ideje i direktoru Sarajevo Sports International Samiru Ceriću, u nastojanju da 2020. godine organizuju utrku Formule E u glavnom gradu BiH. Prisutnima je predstavljen i bolid tima Techeetah DS E-Tense FE 19, koji je samo za ovu priliku dovezen direktno iz Pariza. Održavanje ove utrke bi za BiH značilo mnogo više od sportskog spektakla. Osim što bi pozicioniralo Sarajevo rame uz rame velikim svjetskim metropolama poput Pariza, Berlina, Hong Konga, Ciriha i New Yorka, promoviralo bi ekonomske i turističke potencijale Sarajeva i BiH, privuklo nove investitore, te unaprijedilo ekonomski razvoj cijele regije.

Radionica o regulacionim planovima, Oslo (Norveška), 06. – 08.12.2018.

U ime Grada Sarajeva, na radionici o regulacionim planovima, održanoj u Oslu, učešće su uzeli Nedim Tvrtković, pomoćnik gradonačelnika urbano planiranje, investicije, stambene i komunalne poslove, te Hamdija Efendić i Faruk Muharemović, angažirani po ugovoru o djelu.

Kampanja „16 dana aktivizma protiv rodno zasnovanog nasilja“, Sarajevo, 10.12.2018.

“16 dana aktivizma protiv rodno zasnovanog nasilja” je međunarodna kampanja koja se provodi svake godine od 25. novembra (Međunarodni dan borbe protiv nasilja nad ženama) do 10. decembra (Međunarodni dan ljudskih prava). Kampanju pod sloganom *Isključimo nasilje nad ženama i djevojčicama*, u BiH je realizirao UN Women u saradnji s Agencijom za ravnopravnost spolova, Gender centrom Federacije BiH i Gender centrom Republike Srpske.

Na završnom događaju kampanje održanom 10. decembra, kojem je prisustvovala pomoćnica gradonačelnika za lokalnu samoupravu i razvoj grada Dragana Solaković, predstavljena su i inovativna IT rješenja srednjoškolaca namjenjena za primjenu u prevenciji nasilja. Prezentirana je TraceBrace narukvica kojom korisnik u slučaju opasnosti šalje SOS poruku unaprijed određenom kontaktu te web site NisiSama, prvi vršnjački portal kreiran s ciljem pružanja podrške mladim djevojkama i njihovom osnaživanju. Ove IT ideje rezultat su prošlogodišnje UN Women kampanje 16 dana aktivizma, a na njihovom razvoju UN Women je radio u saradnji s Networksom.

Prijem delegacije Društva bh. i slovenskog prijateljstva Ljiljan, Sarajevo, 24.12.2018.

Šef Odsjeka za kabinetske i protokolarne poslove Ensar Eminović, primio je delegaciju Društva bosansko-hercegovačkog i slovenskog prijateljstva *Ljiljan*, koju je predvodio aktualni predsjednik Elvis Alukić. Alukić je predstavio programske aktivnosti Društva, naglasivši da su od novembra 2018. stvoreni uslovi za još bolji rad kupovinom prostora za rad udruženja. Prostor je kupljen sredstvima društva, a nalazi se u Ljubljani. *Ljiljan* je prva organizacija koja okuplja iseljenike iz BiH u Sloveniji koja je uspjela osigurati vlastiti prostor. *Ljiljan* je osnovan 1992. s ciljem očuvanja bh. kulturne baštine i jačanja prijateljstva između Slovenije i BiH. Društvo ima oko 150 članova od kojih najveći dio čine mladi i djeca aktivni u različitim sekcijama: folklornoj, muzičkoj, dramskoj i sportskoj. Društvo *Ljiljan* već 10 godina zaredom posjećuje glavni grad BiH. Cilj ovih posjeta je upoznavanje njenih članova, naročito mladih, sa znamenitostima Sarajeva i projektima, naročito onih iz oblasti turizma, te iznalaženje načina za promoviranje turizma u Sloveniji i pružanje pomoći u ekonomskom smislu.

Projekat Partnerstvo održivog razvoja jedinica lokalne samouprave

Gradsko vijeće Grada Sarajeva, na sjednici održanoj 13.03.2017., donijelo je Odluku o uspostavljanju saradnje između Grada Sarajeva i Engagement Global gGmbH/Servisne službe za jedinice lokalne samouprave jednoga svijeta.

U organizaciji Saveznog ministarstva za privrednu saradnju i razvoj SR Njemačke, Engagement Globala/Servisne službe za jedinice lokalne samouprave jednoga svijeta

(SKEW) i Grada Wolfsburga, pokrenut je pilot Projekat *Partnerstvo održivog razvoja jedinica lokalne samouprave* s ciljem promocije i implementacije UN Agende 2030.

Projekat je finansiran od strane Saveznog ministarstva za privrednu saradnju i razvoj SR Njemačke, Engagement Globala/Servisne službe za jedinice lokalne samouprave jednoga svijeta (SKEW) u iznosu od po 5.000,00 eura po jedinici lokalne samouprave, odnosno 5.000,00 eura za Grad Sarajevo i 5.000,00 eura za Grad Wolfsburg.

U periodu 08. – 12.01.2018. godine pomoćnica gradonačelnika za lokalnu samoupravu i razvoja grada Dragana Solaković, stručni saradnik za turizam i javno-privatno partnerstvo Mustafa Handžić, predsjednik Ekotim organizacije zaštite okoliša Rijad Tikveša, posjetili su Grad Wolfsburg u cilju definisanja projektnih aktivnosti i usklađivanja projektnih budžeta.

Predstavnici partnerskog grada Wolfsburga predstavili su lokalne inicijative značajne za ovaj i slične projekte. Pored prezentacija projekata zaštite okoliša u NaturErkundungsstationu (NEST), Centru za zaštitu prirode i Theodor Heuss-Gymnasium, delegacija Sarajeva se upoznala s radom Odjela za međunarodne odnose, Agendom ureda Grada i radom regionalne grupe Cradle to Cradle.

Na zvaničnom prijemu, gradonačelnik Wolfsburga Klaus Mohrs izrazio je podršku budućoj saradnji dva grada.

U periodu 24.-27.04.2018. predstavnice Grada Wolfsburga - Nora Mühling i Tanja De Santis (Odjeljenje za međunarodnu saradnju), Karen Dohle (Ured za obrazovanje) i Birgit Dybowski (nastavnica i šef Centra za istraživanje prirode Wolfsburg) boravile su u Sarajevu u okviru programa posjete koji je bio vezan za oblast zaštite okoliša kao temu zajedničkog projekta Grada Sarajeva i Grada Wolfsburga, delegacija je s predstavnicima Grada Sarajeva, Ekotima, Uprave za zaštićena područja, Sarajevo Aarhus centra i kompanije Zeos d.o.o. razgovarala i razmjenila iskustva vezana za zaštitu okoliša što je u fokusu zajedničkog projekta ova dva grada.

U organizaciji Saveznog ministarstva za privrednu saradnju i razvoj SR Njemačke i Engagement Globala/Servisne službe za jedinice lokalne samouprave jednoga svijeta, održana je Konferencija o rezultatima projekta *Partnerstva održivog razvoja jedinica lokalne samouprave*, u Beogradu, 28. do 29.11.2018.

Događaj je, pored predstavnika njemačkih gradova/općina, okupio predstavnike njihovih partnerskih jedinica lokalne samouprave iz BiH (Sarajevo, Travnik, Zenica, Bijeljina, Goražde); Srbije (Kragujevac, Valjevo, Subotica, Zemun, Ruma); Kosova (Viti, Smira, Muštišt).

U ime Grada Sarajeva događaju su prisustvovali šefica Odsjeka za razvoj grada i međunarodnu saradnju Merima Hadžiabdić, stručni saradnik za turizam i JPP Mustafa Handžić, volonterka Belma Šegić, i Rijad Tikveša iz UG Eko tim.

Na Konferenciji su predstavljena partnerstva u Projektu, u trajanju od dvije godine, razmijenjena mišljenja i iskustava o zajedničkom radu na temu Agende 2030 i ciljeva održivog razvoja (*SDGs*) s predstavnicima partnerskog Grada Wolfsburga, kao i drugim predstavnicima partnerstva u Projektu. U ime Grada Sarajeva, Rijad Tikveša prezentirao je rezultate projekta: edukacija djece i nastavnika o ciljevima održivog razvoja, upravljanju otpadom, reciklaži, energiji i obnovljivim izvorima energije i energetske efikasnosti u osnovnim školama.

----- * -----

Aktivnosti međunarodne saradnje Grada Sarajeva realizirane se putem Gradske službe za lokalnu samoupravu i razvoj grada - Odsjek za razvoj grada i međunarodnu saradnju.

U okviru Odsjeka, sistematizirano je šest radnih mjesta, od kojih su popunjena tri radna mjesta.